

НЭ'МА ПАВЛОС Р'ОМАЙИЙАР'А

Пешготын

Пэй р'абунa Мәсiһә^ф жь мьрне, гава чэнд сал дәрбаз бун, мәсiһи^ф гьһиштнә Р'омайе^ф жи, ава готи п'айт'эхте Императори́я Р'омайе. Павлосе кӧ қӧльхе шандитийе^ф жь Хвәде стандьбу, вәки нава нәшьһуйада бьхәбьтә, хвәст һәр'ә Р'омайе у жь вьр жи һәр'ә һ'эта Спанийе. Бәри we р'евитийе Павлос бавәрмәнд-дед Р'омайер'а әве нә'ме дньвисә (15:24-28). Бь фькьра занa әви әва нә'ма сала 56-а, 57-да бажаре Корьнт'еда нвьисийә. Нә'меда шьровәдькә, кӧ чава бавәри^ф у к'әрәм^ф ә'мьре бавәрмәндада ши дьгьрә у йа хвә дькә.

Павлос аһа дәстпедькә. Әв пешийе щьвине^ф сылав дькә у паше бона бавәрмәнда дӧа дькә, пер'а-пер'а нет-мәрәме нә'ме ә'йан дькә у дьбежә: «Мьзгини^ф дьдә к'ьфше, кӧ Хвәде чава мәрьва^ф р'аст^ф (бесуц) һ'әсаб дькә, дькә кьрасе хвә, әв йәк жь сери һ'эта бьни бь бавәрийе йә» (1:17).

Павлос иди бь ве фькьре пешда дьчә бь һур-гьли дньвисә: Т'ә-мамия мәрьвайе, һәгәр щьһу^ф бьн йан нәшьһу^ф, һ'әвше we йәке нә, кӧ ль бәр Хвәде р'аст бенә һ'әсабе, чьмки һ'әму жи бьн һ'ӧкӧме гӧнада дьминьн. Әм дьбиньн кӧ ль бәр Хвәде йе р'аст әв ә, к'и бавәрийа хвә Иса Мәсiһ тинә. Пәйр'а Павлос дәрһәқа жийина нуда (ә'мьре т'әзәда) дньвисә, йа кӧ мәрвь йәктийа Мәсiһда дьс-тинә. Бавәрмәнд жи т'әви Хвәде ә'дъл дьбә у сайа Р'ӧһ'е^ф Пироз жь бьндәстийа нире гӧнә^ф у мьрне хьлаз^ф дьбә. Жь сәре 5-да һ'эта 8-а жи Павлос мәрәме Қануна Хвәде у қәвата Р'ӧһ'е Хвәдеи нава ә'мьре бавәрмәндада шьровәдькә. Ӗса жи Павлос ә'нәнә дькә, кӧ щьһу у нәшьһу нава қьрара Хвәдеда чь щийи дьгьрн. Әв те сәр we фькьре кӧ т'әхсиркьрна^ф щьһуйа һьндава Мәсiһда, әв п'арәкә

т'ьвдир у қьрара Хвәде йә, вәки бькарьбә т'эмаийа мәрвайе бь сайа Иса Мәсиһ бьгһинә к'эрәма Хвәде. Павлос бавәр бу, кә шьһу we т'ьме Иса т'эхсир нәкьн, зәмане бе кә әве Иса қәбул кьн.

Паше Павлос дьньвисә, кә гәрәке ә'мьре бавәрмәнда чава сәр һ'име һ'ьзкьрьне бә. Шанди пьрсед шур'ә-шур'ә ә'нәнә дь-кә, кә чава Хвәде бьһ'әбиньн у жер'а қөльх кьн. Өса жи дәрһәқа борще бавәрмәндайә һьндава һ'өкөмәте у һәвдөда дьньвисә, пьрсед исафева^ф гьредаи. Нә'ме бь сьлава, т'әмийа у шькьрда-йине сәр һәвда тинә.

Сәрәшәма фькьра нә'ме

Пешготьн у фькьра сәрә (1:1-17)

Мәрвь һ'әвшце хьлазбуне^ф нә (1:18-3:20)

Соз-қьраред бона хьлазбуне (3:21-4:25)

Жийина нуйә йәктия Мәсиһда (5:1-8:39)

Щьмә'та Исраеле^ф нава қьрара Хвәдеда (9:1-11:36)

Р'абун-р'уныштьна бавәрмәнда (12:1-15:13)

Пашготьн у сьлавкьрьн (15:14-16:27)

Пәймана^ф Нуда, илаһи нә'ма Р'омайийеда хәбәра «Қанун» бь һ'әрфа мәзьн һатийә ньвисаре гава бә'са Қануна^ф Муса^ф дькә, ава готи Қануна Хвәде. Ле гава бә'са қанунед дьн дькә, хәбәра «қанун» бь һ'әрфа бьч'ук һатийә ньвисаре.

Сьлавкьрьн

1 ¹Жь Павлос, хөламе Мәсиһ^ф Иса, шандитийер'а^ф газикьри, бона бәлакьрьна we Мьзгинийа^ф Хвәдейә к'ьфшкьри, ²йа кә Wi he пешда ньвисаред^ф пирозда бь заре^ф п'ехәмбәред^ф Хвә соз дабу. ³⁻⁴Әва Мьзгинийа бона Көр'е^ф Wi, Хөдане^ф мә Иса Мәсиһ ә, кә бьбәдәни жь зөр'әта

Давьд^ф бу у бь Р'өһ'е^ф Пирозийе, гава жь мьрьне р'абу, қөдрәте-да чава Көр'е^ф Хвәде хөйа бу. ⁵Бь Wi мә к'эрәма^ф шандитийе станд, вәки бона наве Wi һ'әму мьләта һин кьн, кә бавәр бькьн у гөһдар бьн. ⁶Һун жи нава ванда һатьнә газикьрьне, кә бьбьнә п'ара Иса Мәсиһ.

⁷Жь вә һ'әмуяр'а, һ'ьзкьрийед Хвәдейә пирозбунер'а^ф

газикъри, кӱ Р'омайеда дьминьн, к'эрэм^ф у э'дълайи бэ, жь Хвэдеие Баве^ф мэ у Хӱдан Иса Мэсиһ.

**Павлос һ'эйра бавӱрмӱндед
Р'омайеда йӱ**

⁸ Бӱре пешьн эз бь дӱсте Иса Мэсиһ бона вӱ һ'ӱмуя р'а-зибуне дьдъмӱ Хвэдеие хвӱ, чьмки бавӱрийа^ф вӱ т'ӱмамииа дьнйайеда те готьне. ⁹ Хвӱде шӱ'де мьн ӱ, ӱв Хвэдеие кӱ эз нава Мьзгинийа Кӱр'е Wiда бь дьл у шан хӱламтийе дькьм, эз һӱр гав вӱ бир тиньм ¹⁰ у т'ьме нава дӱайед хвӱда һи-ви дькьм, кӱ бь ӱ'мьре Хвӱде шарӱке р'е бьк'ӱвӱ мьн, сӱр вӱда бем. ¹¹ Чьмки эз гӱлӱки һ'ӱйра дитьна вӱда мӱ, вӱки п'ешк'ешӱкӱ^ф р'ӱһ'ани бьгьһи-ньмӱ вӱ, кӱ һун бавӱрийеда бьшьдьн. ¹² Ава готи эз жит'ӱви вӱ, ӱм дьл бьдьнӱ бӱр һӱв, бь

we бавӱрийа мьн у вӱйӱ һӱр дӱ алийава.

¹³ Эз дьхвӱзьм кӱ һун зань-бьн хушк-бьрано, вӱки гӱлӱк шара мьн хвӱстийӱ бемӱ шӱм вӱ, кӱ к'ӱда мьн нава вӱда жи һӱбӱ, чава нава нӱшьһуйед^ф майинда, ле һ'ӱта ньһа р'е нӱк'ӱтийӱ мьн*. ¹⁴ Эз борщ-даре һ'ӱму мьлӱта мӱ, һьн йе йунанед пешдачуйи у һьн жи йе мьлӱтед пашдамайи, дӱйн-даре сӱрвахта у бефӱ'ма мӱ. ¹⁵ Ава эз бь дьл у шан дьхвӱзьм Мьзгинийе бьдъмӱ вӱ жи, йед кӱ Р'омайеда дьминьн.

¹⁶ Бӱле эз Мьзгинийе шӱрм һ'ӱсаб накьм, чьмки ӱв ґӱва-та Хвӱде йӱ, бона хьлазбуна^ф һ'ӱму бавӱрмӱнда, пешийе бона шьһуйа^ф, паше нӱшьһуйа^ф. ¹⁷ Чьмки Мьзгини дьдӱ к'ьфше, кӱ Хвӱде чава мӱрва^ф р'аст һ'ӱсаб дькӱ, дькӱ кьрасе хвӱ*, ӱв йӱк жь сери һ'ӱта бьни

* 1:13 К'аред Шандийа 19:21.

* 1:17 Бь йунани хӱбӱр бь хӱбӱр аһа йӱ: «Веда (Мьзгинийеда) р'астийа Хвӱде ӱ'йан дьбӱ». Ньвисаред пирозда «р'астийа Хвӱде» бь чӱнд шур'а те фӱ'мкьрьне. Шарна р'асти чава «һӱґийа Хвӱде» те фӱ'мкьрьне, ӱв һ'ӱнӱрӱки Wi йӱ, йане Хвӱде Хвӱха сӱр р'астийе йӱ чава һ'ӱакьме һӱґ. Ле шарна жи «р'астийа Хвӱде» те фӱ'мкьрьне чава кьрьнӱкӱ Wi йӱ, кӱ чава ӱв мерьв бесуц дькӱ у р'аст һ'ӱсаб дькӱ, нӱ кӱ т'ӱне ве йӱке, ле мерьв т'ӱви Хвӱ дькӱ йӱк жи, ава готи Хвӱде wi «дькӱ кьрасе Хвӱ». Ђьнгге инсан бӱр ч'ӱве Wi мина Wi р'аст хӱйа дьбӱ. Ве нӱ'ма Павлосда

бь бавәрийе йә, чава нъвисар ә: «Йе р'аст we бьжи, чьмки бавәр дькә»**.

Һ'әму мәрвь гөнәк'ар^ф ын

¹⁸Хәзәба Хвәде жь ә'змен сәр һ'әму бехвәдети у нәһәқийа ван мәрьва хойа дьбә, к'ижан кө бь нәһәқийед хвә наһельн кө р'асти хойа бә. ¹⁹Чьмки чь кө гәрәке бона Хвәде бьзаньбьн ванва ә'йан ә, чьмки Хвәде ванва ә'йан кьрийә. ²⁰Р'аст жь ә'фьрандына дьнайяеда һ'өнөрәд Вийә нәхойа, ава готи қодрәта Вийә һ'әта-һ'әтайе у Хвәдетийа Ви бь ә'фьрина хойа дьбьн, зәлал тенә дитьне. Бь ви авайи кәс нькарә шабе бьдә. ²¹Бәле ван Хвәде нас дькьр, ле пәсьне Ви нәдан чава Хвәде, нә жи жь Ви р'ази бун, ле бәле әв нава фькьред хвәда п'уч' бун у жь дәст бөфә'мийе шуна р'әшва чун. ²²Вана гот:

«Әмә сәрвахт ын», ле бөфә'м дәрк'әтгьн ²³у р'умәта Хвәдеие нәмьри шькьле мәрьве п'уч'и-мьри, тәйрәда, чарп'е у шулькийар'а гөһер'ин*.

²⁴Ләма жи Хвәде әв бь хвәс-тъна дьле ван данә дәсте һ'әрабийе^ф, кө бәдәна хвә нава һәвда бьһ'әр'ьминьн. ²⁵Вана р'астийа һьндава Хвәдеда дәрәвийер'а гөһер'ин у сәрә хвәль бәр ә'фьрина данин, әв һ'әбандьн, нә кө Ә'фьрандаре һ'әта-һ'әтайе кө һежайи шькьрийе йә. Амин^ф.

²⁶Бона ве йәке Хвәде әв данә бенамусийе, һ'әта жьнед ван жи һ'әвщәтийа хвәйә ә'дәте дьне һ'әвщәтийа әк'сиә'дәтийер'а гөһер'ин. ²⁷Өса жи мера һ'әвщәтийа жьнайә ә'дәти һьштгьн, пе тәмед хвәйә хьраб бь һәвр'а шәвьгтин, мера т'әви мера р'обәти дькьр у һәфе жьр'ек'әтгьна хвәйә қазьнщкьри

әв гәләк шара бь ви авайи те фә'мкьрьне. Пәймана^ф Кәвьнда жи те һинкьрьне, кө мәрйе р'аст әв ә, гөнәд к'ижани һатгьнә бахшандьне (Зәбур 32; Р'омайи 4:4-8). Вәки дьн жи «р'астийа Хвәде» гәләк шара фькьра хьлазкьрьнева^ф гьредайи йә: Хвәде р'аст ә, амьн ә у хвәйе созе Хвә йә у йе кө гази Ви дькә, гора созе Хвә хьлаз дькә (Зәбур 51:14; Ишайа 46:12-13).

** ^{1:17} Аһа жи те фә'мкьрьне: «Йе бь бавәрийе р'астһ'әсаббуйи we бьжи». Һәбақуқ 2:4.

* ^{1:23} Қануна Дөшари 4:15-18.

һьлдьданэ сэр хвэ. ²⁸ У чава вана нэхвэст Хвэде занэбуна хвэда хвэйкьрана, Хвэде жи эв данэ фькьред бет'эвшэ, кө эвана тыштед нэщайиз бькьн. ²⁹ Эвана һэр нөһэцийе, нэқэншийе*, тьмайийе, хьрабийава т'ьжи нэ: Бь һ'эвсудийе, меркөжийе, бэрзэцийе^ф, мьхэнэтийе, хернэхвазийева^ф дагырти, гьлигэр'о, ³⁰ бөхданбеж, нэхвөдеһ'ыз, бешөрм, позбьльнд, к'өбар-бабах, йе хьрабийе чедькэ, нэ гөр'а^ф де-бавада, ³¹ бефө'м, беамьн, беисаф, бер'э'м. ³² Бэле эвана һаш жь қануна Хвэде һэнэ, кө йед ван тышта дькьн һежайи мьрьне нэ, ле бэле нэ кө т'эне ван тышта дькьн, ле һавьжийа хвэ жь кьрийа жи тиньн.

Дивана Хвэдейә һәқ

2 ¹ Ава э'вдо, дьхвази к'и би, гава лома дьки, тө нькари хвэ бесущ ки. Чава лома хэлце дьки, өса жи тө хвэ ломәк'ар^ф дьки, чьмки тө кө лома дьки, хут ван тышта дьки*. ² Ле әм заньн кө дивана Хвэде we бь

р'астийе сэр ванда бе, йед кө тыштед өса дькьн. ³ Ава э'вдо, тө кө лома хвэе ван кьра дьки, у тө хвэха жи ван тышта дьки, тә т'ьре^ф те жь дивана Хвэде бьр'эви? ⁴ Йан жи тө кө дәвләмәндтийа ширьнайи, бәрбьһери у сэбьра Ви беһөрмәт дьки, тө һьзани кө ширьнайийа Хвэде тә дьбә бәрбь т'обәкьрьне^ф? ⁵ Ле тө бь сәрһ'ышки у дьлкәвьрийа хвэ хэзэбе сэр хвэда дьщьвини, бона Р'ожа Хэзэбе, гава дивана Хвэдейә һәқ хөйа бә. ⁶ Эwe wәкә э'мәле һәр кәси бинә пешийа ван*. ⁷ Жийина һ'эта-һ'этайе we бьдә ван, йед кө т'ьме бь думька дьреж нава кьрьнед қәнщда нэ, кө һөрмәте, р'умәте у нәмьрийе дьхвазын. ⁸ Ле һерс у хэзэбе сэр ванда бә, йед кө к'ара хвэ дьгәр'ьн, дәст жь р'астийе кьрьнә у хвэ данэ хьрабийе. ⁹ Тәнгаси^ф у зөлме сэр ван һ'әмуйада бе, йед хьрабийе дькьн, пешийе сэр щьһуйа^ф, паше сэр нэщьһуйа. ¹⁰ Ле һөрмәт, р'умәт у э'дьлайи we ван һ'әмуйар'а бә, йед кө қәнщийе дькьн, пешийе щьһур'а у паше

* ^{1:29} Нав һьнәк дәстньвисарада «қави^ф» жи һәйә.

* ^{2:1} Мәтта 7:1-2.

* ^{2:6} Зәбур 62:12; Готьнед Сьлеман 24:12.

нэшьһур'а. ¹¹ Чъмки ль шәм Хвәде фърқи т'өнә*.

¹² Әвед бейи Қануна Муса^ф кө гөнә^ф дькьн, бейи Қанун жи ве онда бьн, ле әвед хвәйиқанун кө гөнә дькьн, бь Қануне жи ве диwana ван бьбә. ¹³ Чъмки нә кө әвед Қануне дьбьһен ль бәр Хвәде р'аст^ф ьн, ле әвед кө Қануне дьқәдиньн ве р'аст бенә һ'әсабе. ¹⁴ Нэшьһуйед кө Қануна ван т'өнә, гава бе һ'әмде хвә хвәстьнед Қануне дьқәдиньн, бәле әвә бе Қанун ьн, хвәха бона хвә дьбьнә қанун. ¹⁵ Чъмки әвана дьдьнә к'ьфше, кө хвәстьна Қануне дьле^ф ванда ньвисар ә. Исафа ван жи шә'дәтига ве йәке дьдә у фькьред ван шарна ль ван нәһәқ дькьн, шарна бесуц дькьн. ¹⁶ Ве Р'оже ве өса бә, гава Хвәде бь дәсте Мәсин Иса диwana тыштед мәрвайә дьзива бькә, анәгори Мьзгинийа кө әз даннасин дькьм.

Шьһу у Қанун

¹⁷ Аwa тө шьһу тейи һ'әсабе, тә хвә спартийә^ф Қануне у бь

Хвәдейе хвә дьфьр'и, ¹⁸ хвәстьна Wi зани у жь Қануне һин буйи, қәнши-хьрабийе жь һәв дәрдьхи. ¹⁹ У тө сәр хвә гөман и, кө р'ебәре кора йи, р'онаийа бәр йед тә'рийеда, ²⁰ ширәтк'аре бефә'ма, дәрсдаре хьшима. Тө хвәда жи гөман и, кө бь Қануне хут тө хвәйе т'әрзе занәбуне у р'астийе йи. ²¹ Ле бәле аwa тө кө һәвале хвә һин дьки, хвәха хвә һин наки? Даннасин дьки, кө нәдзьн, ле тө дьдзьи? ²² Дьбежи: «Зьнийе нәкә», ле зьнийе дьки? Жь п'ута^ф зьвер и, ле п'арьстгәһед^ф ван т'алан дьки*? ²³ Бь Қануне дьфьр'и, ле Қануне дьт'әр'ьбини, Хвәде беһөрмәт дьки? ²⁴ Чаwa ньвисар ә: «Р'уйе вә шьһуйада наве Хвәде нава нэшьһуйада те беһөрмәткьрьне*».

²⁵ Бәле к'ара сьнәтийе^ф ве һәбә, һәгәр Қануне бьқәдини. Ле һәгәр тө Қануне дьт'әр'ьбини, сьнәтбуна тә дьбә бесьнәти. ²⁶ Өса жи, һәгәр йе нәсьнәткьри т'әмийед Қануне бьқәдинә, нәсьнәтига wi ве сьнәти нәйе һ'әсабе? ²⁷ У йе бьнйат'а хвәда

* ^{2:11} Қануна Дөшари 10:17.

* ^{2:22} Аһа жи те фә'мкьрьне: «П'арьстгәһе дьһ'әр'ьмини».

* ^{2:24} Ишайа 52:5.

нэсьнэткьри кӧ Қануне дырә-
динә, we диwana тә бькә, кӧ тӧ
хвәйе нъвисар у сьнәтийе йи, ле
Қануне дыт'әр'ьбини. ²⁸ Чьмки
щьһу нә әw ә, кӧ дәрвава йә у
сьнәти нә әw ә, кӧ дәрвава сәр
бәдәне йә. ²⁹ Ле щьһу әw ә, йе
кӧ дьле хвәда щьһу йә у сьнә-
тийа р'аст дьле сьнәтбуйи йә,
бь Р'öh', нә бь Қануна нъвисар.
Йе һа, нә кӧ мәрвь п'әйе wi
дьдьһ, ле Хвәде*.

3 ¹ Иди щьһу чьва зедә йә?
Йан жи чь фәйда сьнәтийе
һәйә? ² Гәләки, бь һәр алийа-
ва. Бәре пешьһ we йәкева, кӧ
готьнед Хвәде ль ван һатьнә
спартьне. ³ Аwa һәгәр жь ван
һьнәк амьһ нәман, дьбә кӧ жь
дәст беамьһийа ван Хвәде we
беамьһ дәрә? ⁴ Т'ӧ шар! Дә бьра
Хвәде р'аст бә у һ'әму мәрвь
дәрәw, чава нъвисар ә:

«Wәки готьнед Хвәда Тӧ
бесущ дәрәйи
у диwana Хвәда Тӧ сәрк'ә-
ви»*.

⁵ Ле һәгәр нәһәқийа мә һә-
қийа Хвәде дьдә к'ьфше, әм
чь бежьһ? Wәки өса йә Хвәде

нәһәқ ә, кӧ хәзәбе тинә сәрә
мә? (Бь мәрвьайи хәбәр дьдьһ).

⁶ Т'ӧ шар! Һәгәр нә өса бә, Хвә-
де we чава диwana дьне бькә?

⁷ Ле һәгәр р'астийа Хвәде,
бона р'умәта Wi, бь дәрәвийа
мьһ һе к'ьфш дьбә, ле иди чьма
we диwana мьһ мина гӧнәк'а-
рәки бе кьрьне? ⁸ У гәло һәқ
ә кӧ әм аһа бежьһ: «Хьрабийе
бькьһ, кӧ бьбә қәнщи», чава
һьнәк шәр'а ль мә гьли дькьһ,
йане әм өса дьбежьһ? Әw мәрвь
we р'аст сәр бәла хвә вәбьһ.

**Мәрьве р'аст т'ӧнә,
һ'әму гӧнәк'ар ьһ**

⁹ Аwa әм иди чь бежьһ? Әм
щьһу тыштәкива жь нәщьһуйа
четьр ьһ? На хер! Чьмки мә
иди жор да к'ьфше, чава щьһу,
өса жи нәщьһу, һ'әму жи бьһ
һ'ӧкӧме гӧнәда^ф нә. ¹⁰ Чава
нъвисар ә:

«Йәки р'аст т'ӧнә, т'ӧ кәс
т'ӧнә,

¹¹ кәсәк т'ӧнә, кӧ фә'м бькә,
кәсәк т'ӧнә, ль Хвәде бьгә-
р'ә.

¹² Һ'әму бәндә хальфи^ф нә,
бь һәвр'а т'әвайи бекер бунә,

* ^{2:29} Қануна Дӧшари 30:6.

* ^{3:4} Зәбур 51:4.

йэки қәнщийе бькэ т'өнә, т'ө кэс т'өнә.*
 13 Гәврйя вана т'ьрба вәкьри йә,
 зьмане вана дәрәвин ә*,
 жә'ра мә'ра бьн заре вана ә**.
 14 Дәве вана т'ьжи ньфьр' у тә'ли йә*,
 15 ньге вана хунр'етьнер'а дьлэзинә.
 16 Р'ийа вана қәдә у бәла нә.
 17 Р'ийа ә'дьялайие наснәкьри нә*,
 18 тьрса Хвәде ль бәр ч'ә'ва қәт т'өни нә*».
 19 Ава әм заньн Қанун чь кә дьбежә, вана р'а дьбежә, йед кә бьн һ'өкөме Қанунеда нә, вәки һ'әму дәв бенә гьредане у т'әмамия дьнйайе ль бәр дивана Хвәде шабдар бә. 20 Чьмки бь кьред Қануне

т'ө қул-бәндә we ль бәр Хвәде р'аст^ф дәрнәйе, ле бь Қануне гөнә те наскьрьне.

**Инсан ль бәр Хвәде
 бь бавәрийе р'аст те
 һ'әсабе**

21 Ле ньһа бейи Қануне, р'астһ'әсабкьрьна Хвәде хөйя буйә, бона к'ижане Қанун у п'ехәмбәр жи шә'дәтийе дьдьн. 22 Әв ә р'астһ'әсабкьрьна Хвәде: К'и бавәрийа хвә Иса Мәсиһ тинә, Хвәде вана һ'ә-муйа ль бәр Хвә р'аст һ'әсаб дькә*. Фьрқи т'өнә, 23 чьмки һ'әмуйа гөнә^ф кьр у нәгьһишт'ьнә р'умәта* Хвәде. 24 Ле жь к'әрәма Ви, бь азақьрьна Мәсиһ Иса р'астһ'әсаббуне^ф п'ешк'еш дьстиньн. 25 Хвәде Әв к'ьфш кьрьбу, кә Әв бь

* 3:10-12 Зәбур 14:1-3; 53:1-3; Занәбеж 7:20.

* 3:13 Зәбур 5:9.

** 3:13 Зәбур 140:3.

* 3:14 Зәбур 10:7.

* 3:15-17 Ишайа 59:7-8.

* 3:18 Зәбур 36:1.

* 3:22 Галати 2:16.

* 3:23 Хвәде мәрвь дьлқә Хвәда хөльқанд у әв ә'фьрине Ви қәнш бу, ле мервь нәһәқи кьр у нәгьһиштә we р'умәт у к'амьлтийе кә Хвәде бона ви һазьр кьрьбу. Дәрһәқа р'умәта Хвәдеда, йа кә бавәрмәнде бьстиньн ван р'еза бьхуньн: Р'омайи 8:18, 21, 29, 30; Филипи 3:21; Дәстпәбун 1:26-27; Ә'йанти 21:9-11.

хуна Хвә ль бәр гөнед ван к'эвә, йед кӧ ве йәке бавәр бькьн. Хвәде әв йәка кьр, кӧ р'аст^h'әсабкьрьна Хвә бьдә к'ьфше, чьмки Wi бь сәбьра Хвә гӧh нәда ван гӧнед кӧ пешда хатьбунә кьрьне. ²⁶Ава готи Хвәде бь Иса әв йәк кьр, вәки р'аст^h'әсабкьрьна^h Хвә ви зәманида бьдә к'ьфше, кӧ Хвәха р'аст ә у хәр кәсе кӧ бавәрийа хвә Иса тинә, ван р'аст^h х'әсаб дькә.

²⁷Ава иди чь майә кӧ әм пе бьфьр'ьн? Н'әму п'уч' бу чу. Чь-ма п'уч' бу? Чьмки әм Qануне дьқәдиньн? На хер, ле чьмки әм бавәр дькьн. ²⁸Чьмки мәва ф'әмдари йә, кӧ мәрвь бь бавәрийе р'аст х'әсаб дьбә, бейи кьред Qануне. ²⁹Йан Хвәде т'әне Хвәде щьһуйа йә? Нә йе нәщьһуйа йә? Бәле, йе нәщьһуйа йә жи, ³⁰чьмки Хвәде йәк ә у әв йед сьнәтбуйи бь бавәрийе р'аст х'әсаб дькә у нәсьнәтбуйийа жи диса бь we бавәрийе. ³¹Вәки оса йә әм бь бавәрийе Qануне бәтал дькьн? Т'ӧ шар, ле әм Qануне мак дькьн.

Бьраһим^h бь бавәрийе р'аст хатә х'әсабе

- 4** ¹Әм иди чь бежьн бона Бьраһим^h бавә'шире хвә, алийе бәдәнеда? Әви чь дит? ²Һәгәр Бьраһим бь кьред хвә р'аст х'әсаб бьбуйа, һьнге дь-карьбу бь кьред хвә бьфьр'ийа, ле нә ль бәр Хвәде. ³Ле к'а ньвисар чь дьбежә? «Бьраһим Хвәде бавәр^h кьр у әв йәк жер'а р'асти хатә х'әсабе»*. ⁴Ава һәгәр йәк шьхӧләки дь-кә, маше ви жер'а найе дайин чава п'ешк'еш, ле чава дәйн. ⁵Ле һәгәр гӧмана йәки нә сәр шьхӧле ви йә, ле бавәрийа хвә Wi тинә, Йе кӧ нәп'ака бесущ дькә, бь ве бавәрийе әв р'аст х'әсаб дьбә. ⁶Давьд жи аһа хвәзийа хвә ль ви мәрьви тинә, йе кӧ Хвәде бейи кьра ви р'аст х'әсаб дькә. ⁷«Хвәзи ль ван, кӧ нәһәқийед ван хатьнә бахшандьне у гӧнед ван хатьнә ньхам-тьне. ⁸Хвәзи ль ви бәндәйи, кӧ Хӧдан бир'а гӧнә х'әсаб накә».*

* ^{4:3} Дәстпелун 15:6; Галати 3:6.

* ^{4:7-8} Зәбур 32:1-2.

⁹ Гэло эва хвэзияа ль сьнэт-буййа те дайине, йан нэсь-нэтбуййа? Чава мэ гот, кө бавэрийа Бьраһим жер'а р'асти хатэ һ'эсабе*. ¹⁰ Ле бэле к'энге хатэ һ'эсабе? Пэй сьнэтбунер'а, йан бэри сьнэтбуне? Нэ кө пэй сьнэтбунер'а, ле бэри сьнэтбуне. ¹¹ У паше эви сьнэтбун нишан станд, чава мора р'астһ'эсаббуне, бь we бавэрийа хвэйэ бэри сьнэтбуне. Бь ви авайи Бьраһим бу баве һ'эму бавэрмэндед нэсьнэтбуйи, wэки эw жи р'аст бенэ һ'эсабе* ¹² у оса жи бу баве сьнэтбуййа, нэ кө т'эне йе сьнэтбуййа, ле йе ван жи, к'ижан п'ега we бавэрийеда дьчын, йа кө Бьраһиме баве мэ һе бэри сьнэтбуне бавэр кьр.

**Хвэде созе хвэ
бь бавэрийе дьдэ**

¹³ Эw созе Бьраһим у зөр'эта wir'а хатэ дайине кө дьнйайе war бьн, нэ кө бь кьред Qануне

бу, ле бь we йэке бу, кө wi бавэр кьр у р'аст хатэ һ'эсабе*. ¹⁴ Һэ-гэр т'эне эвед жь кьред Qануне бьбуна хвэйе war, һынге бавэри we п'уч' буйа у созе жи бэтал буйа*. ¹⁵ Чьмки Qанун һерсе р'адькэ. Дэра кө qанун т'өнэ, qанунт'эр'ьбандьн жи т'өнэ.

¹⁶ Бь ви авайи соз бь бавэрийе те стандьне, wэки соз бона һ'эму зөр'етед Бьраһим п'ешк'ешэкэ эрекьри бэ, нэ кө т'эне бона ванэ йед кө qануне дьqэдиньн, ле бона ван жи, йед кө мина Бьраһим бавэр дькьн. Чьмки Бьраһим баве мэ һ'эмуйа йэ*, ¹⁷ чава ньвисар э: «Мьн тө кьри баве гэлэк мьлэта»*. Эw баве мэ йэ, ль бэр wi Хвэдейе кө эви бавэр кьр, wэки Эw мьрийа сах дькэ у гази тыштед т'өнэнэ дькэ, чава кө һэнэ. ¹⁸ Wi шийе кө гөман нэмабу, Бьраһим бь гөман бавэр кьр, кө эве бьбэ баве гэлэк мьлэта, чава хатьбу готьне: «Зөр'эта тэйе жи we һаqаса бэ»*. ¹⁹ У

* 4:9 Дэстпобун 15:6.

* 4:11 Дэстпобун 17:10.

* 4:13 Дэстпобун 17:4-6; Галати 3:29.

* 4:14 Галати 3:18.

* 4:16 Галати 3:7.

* 4:17 Дэстпобун 17:5.

* 4:18 Дэстпобун 15:5.

эв бавәрийеда съст нәбу, нә
 һ'але қальбе хвәда ньһер'и,
 вәки иди мина мьрийа бу,
 (чъмки эв незики сәд сали
 бу) у нә жи бәт'ьна Сәрайейә
 мьри ньһер'и*. ²⁰Ле бавәрийа
 хвә ль созе Хвәде ани удөдъли
 нәбу, бь бавәрийе сәр қәватә
 хвәда һат, шькьрийа хвә Хвә-
 де ани ²¹у we йәкеда бавәр бу,
 кө Йе соз дайә we бинә сери^ф
 жи. ²²Бона ве бавәрийе «жер'а
 р'асти һатә һ'әсабе»*. ²³Ле эв
 готън нә т'әне бона Бьраһим
 һатә ньвисаре, кө Хвәде эв
 р'аст һ'әсаб кьр, ²⁴ле бәле эв
 бона мә жи ньвисар ә. Р'астбуне
 мәр'а жи бе һ'әсабе, к'ижанед
 кө бавәрийа хвә Ви тинън, Йе
 кө Хөдане мә Иса жь мьрьне
 р'акьр. ²⁵Иса бона нәһәқийед
 мә һатә көштъне у жь мьрьне
 р'абу, кө әм р'аст бенә һ'әсабе*.

**Бь Иса Мәсиһ әм т'әви
 Хвәде ль һәв һатънә**

5 ¹Ава кө әм бь бавәрийе
 р'аст һатънә һ'әсабе, әдъ-
 лайийа мә т'әви Хвәде һәйә бь

сайа Хөдане мә Иса Мәсиһ.
²Пе Ви мә бь бавәрийе мә-
 щал дит т'әви we к'әрәме бьн,
 к'ижанеда әм сәкьнинә. У бь
 we гөмана кө әме т'әви р'у-
 мәта Хвәде бьн дьфьр'ьн. ³У
 нә т'әне бь ве йәке, ле әм бь
 тәнгасийед хвә жи дьфьр'ьн,
 чъмки әм занън кө тәнгаси
 сәбьре тинә, ⁴сәбьр жи к'ә-
 тьн-р'абуне, к'әтън-р'абун жи
 гөмане. ⁵У гөман жи мәр'ур'әш
 накә, чъмки һ'ьзкьрьна Хвәде
 сәр мәда бь ви Р'өһ'е Пироз
 барийә, Йе кө мәр'а һатийә
 дайине. ⁶Чъмки гава әмә һе
 беч'арә* бун, Мәсиһ бона мә
 нәп'ака вәхтда мьр. ⁷Дәгмә
 бона мәрвәки р'аст йәк бьмь-
 рә, бәлки бона мәрвәки қәнщ
 йәке бьверә бьмьрә, ⁸ле бәле
 Хвәде һ'ьзкьрьна Хвә һьндава
 мәда һьнге да к'ьфше, гава әмә
 һе гөнәк'ар бун, Мәсиһ бона
 мә мьр. ⁹Ньһа әм кө бь хуна
 Ви ль бәр Хвәде р'аст һ'әсаб
 бунә, һе чьқас зедә әме бь Ви
 жь хәзәбе хьлаз бьн. ¹⁰Һәгәр
 әм т'әви Хвәде бь мьрьна Көр'е

* ^{4:19} Дәстпелун 17:17.

* ^{4:22} Дәстпелун 15:6.

* ^{4:25} Ишайа 53:4-5.

* ^{5:6} Аһа жи те фә'мкьрьне: «Бет'ақәт».

Ви ль һәв һатън, гава әмә нә-
йар бун, ле һе чьқас зедә пе ве
лһәвһатъне әме бь жийина Ви
хьлаз бьн. ¹¹ У нә т'әне һақас,
ле бь Хвәде жи әм дьфьр'ьн,
сайа Хөдане хвә Иса Мәсиһ,
бь К'ижани әм т'әви Хвәде ль
һәв һатънә.

Адәм^ф у Мәсиһ

¹² Ава бь мәрвәки гөнә к'әтә
дъне у жь гөнә жи мьрьн һат.
Бь ви авайи мьрьн сәр һ'әму
мәрвә бәла бу, чьмки һ'әмуйа
жи гөнә кьр*. ¹³ Бәри Қануне,
дънайеда гөнә һәбу, ле дәра кә
қанун т'өнә, гөнә найе һ'әса-
бе. ¹⁴ Ле бәле мьрне жь Адәм^ф
гьрти һ'әта Муса һ'өкөм кьр,
һ'әта сәр ван жи, йед кә мина
Адәм гөр'а Хвәде дәрнәк'әтън.

Адәм мина т'әрзәки Ви бу,
Йе кә ве пәйр'а бьһата. ¹⁵ Ле
п'ешк'еша Хвәде мина нәһә-
қийа Адәм нинә. Чьмки һәгәр
бь нәһәқийа мәрвәки гәләк
мьрьн, һе чьқас зедә к'әрәма^ф
Хвәде у дайина кә бь к'әрәма
Мәрвәки, йане йа Иса Мәсиһ
сәр гәләка зедә бу. ¹⁶ У п'еш-
к'еш нә өса йә, чава һәфе гөне
йәки, чьмки диwane бь гөнәки

сущдари ани, ле п'ешк'еше жь
гәләк нәһәқийа бесущ кьр.
¹⁷ Чьмки һәгәр бь нәһәқийа
мәрвәки у р'уйе вида мьрне
һ'өкөм кьр, чьқас зедә әвед кә
к'әрәма Хвәдейә дәвләмәнд у
р'астһ'әсаббуне п'ешк'еш дьс-
тиньн ве жийинеда бь сайа
Йәки, ава готи Иса Мәсиһ
п'адшатийе бькьн.

¹⁸ Ава бь ви авайи пе нәһәқике
диwana т'әмамия мәрвәйе бу,
өса жи бь кьрнәкә р'аст һ'әму
мәрвә ве р'аст бенә һ'әсабе у
жийине бьстиньн. ¹⁹ Чава бь
нәгөһдарийа йәки гәләк бунә
гөнәк'ар, өса жи бь гөһдарийа
Йәки гәләк ве р'аст бенә һ'ә-
сабе. ²⁰ Ле бәле Қанун к'әтә
навә, кә нәһәқи зедә бә, ле ль
к'идәре гөнә зедә бу, к'әрәм жи
ль вьр һе зедә бу, ²¹ вәки чава
гөнә бь мьрне һ'өкөм кьр, өса
жи к'әрәма Хвәде бь р'астһ'ә-
сабкьрне һ'өкөм бькә, мә бьбә
бәрбь жийина^ф һ'әта-һ'әтайе
бь сайа Хөдане мә Иса Мәсиһ.

Бона гөна мьри, ле бона Мәсиһ сах

6 ¹ Ле әм ньһа чь бежьн? Әм
нава гөнада бьминьн, кә

* ^{5:12} Дәстпәбун 3:6.

к'эрэма^ф Хwэде сэр мэда зедэ бэ? ²Т'ө шар! Эм кө һндава гөнада мьрн, чава дькарн һе нава ванда бьжин? ³Һун ньзаньн эм кө йэктийа МэснҺ Исада һатьнэ ньхөмандьне^ф, мьрна Вида һатьнэ ньхөмандьне? ⁴Бь ньхөмандьне эм иди т'эви мьрна Ви бунэ у т'эви Ви һатьнэ дэфьнкьрне^ф, wэки чава МэснҺ бь р'умэта Баве жь мьрне р'абу, өса жи эме бькарьбьн жийина нуда бьжин*.

⁵Чьмки һэгэр эм мина мьрна Ви мьрн т'эви Ви бун, эме өса жи мина р'абуна Ви жь мьрне р'абьн. ⁶Эм ве йэке заньн кө бьнйат'а мэйэ көвьн т'эви Ви хач^ф бу, wэки қальбе гөнэк'ар сэри һьлнэдэ, кө жь вьр шунда эм нэбьнэ хөламед гөнэ. ⁷Чьмки эве кө мьрийэ, эw жь гөнэ азабуи йэ. ⁸Аwa һэгэр эм т'эви МэснҺ мьрнэ, эм баwэр дькьн, кө эме т'эви Ви бьжин жи. ⁹Чьмки эм заньн МэснҺ кө жь мьрне р'абуйэ, иди намьрэ, мьрн сэр Ви иди һ'өкөм накэ. ¹⁰Мьрна Эw мьр, һндава гөнэда шарэке бона һэр т'ьм мьр, ле жийина кө ньһа дьжи, һндава Хwэдеда

дьжи. ¹¹Өса жи һун хwэ һьндава гөнэда мьри һ'эсаб кьн, ле һндава Хwэдеда сах, бь сайа МэснҺ Иса.

¹²Аwa бьра иди гөнэ һ'өкөми сэр қальбе wэйи п'уч'и-мьри нэкэ, кө һун гөр'а хwэстьнед ви бькьн. ¹³У эндэмед қальбе хwэ нэдьнэ гөнэ кө бьбьнэ һашэтэд нэһэқийе, ле бэле хwэ бьдьнэ дәсте Хwэде, чава йэки жь мьрне р'абуйи, бьра эндэмед wэ бьбьнэ һашэтэд һэқийе, бона Хwэде. ¹⁴У гөнэ we сэрwертийе ль wэ нэкэ, чьмки һун нэ бьн қанунеда нэ, ле бьн к'эрэмеда.

Хөламед һэқийе

¹⁵Иди чь? Эм гөна бькьн, чьмки нэ бьн қанунеда нэ, ле бьн к'эрэме? Т'ө шар! ¹⁶Һун һақас тышт ньзаньн кө һун бона хөламетийе дәсте к'ева дьчьн у гөр'а к'е дькьн, дьбьнэ хөламед ви? һэгэр һун хөламед гөнэ бьн, дьчьнэ бэрбь мьрне, ле һэгэр һун хөламед Хwэде бьн, гөр'а Вида бьн, дьчьнэ бэрбь р'астһ'эсаббуне^ф. ¹⁷Ле шькьр жь Хwэде, һун кө wэһтэке хөламед гөнэ бун, ле

* ^{6:4} Колоси 2:12.

вә бь дьл у шан гөра т'эрзе we
хинкьрьне кьр, йа кө вә хвә
спарте. ¹⁸ Хун жь гөнә аза бун
у бунә хөламед һәқийе. ¹⁹ (Эз
мина ә'дәте мәрвайе дьбежьм,
бона бьнйат'а вәйә мәрвайи-
йә бет'ақәт.) Вә чава вәхтәке
әндәмед хвә данә нәһәқийе
кө бьбьнә хөламед һ'эрамиие
у нәһәқийе, өса жи ньһа әндә-
мед хвә бьдьнә һ'әлалийе^ф кө
бьбьнә хөламед һәқийе.

²⁰ Гава хун хөламед гөнә бун,
жь һәқийе аза бун. ²¹ Ынге вә
жь кьрьнед хвә чь бәр чьнин,
бона к'ижана ньһа хун шәрм
дькьн? Әв ахьрийе мерьв дь-
бьнә бәрбь мьрьне. ²² Ле ньһа
хун жь гөнә кө аза бун у бунә
хөламед Хвәде, бәре һ'әла-
лийе дьчьньн у ахьрийа ван
жи жийина һ'әта-һ'әтайе йә.
²³ Чьмки маше гөнә мьрьн ә,
ле п'ешк'еша Хвәде жийина
һ'әта-һ'әтайе йә, бь сайа Хө-
дане мә Мәсиһ Иса.

**Т'эрзәки қәнш
жь қануна һ'ал-зәващә**

7 ¹ Хун р'ьнд фә'м дькьн
хушк-бьрано, әзе ньһа дәр-
һәқа чьда вәр'а хәбәр дьм, чьм-
ки әз т'әви ван хәбәр дьдьм,
йед кө һаш жь қануне һәнә:

Қанун сәр мерьв һақас вәхт
һ'өкөм дькә, һ'әта кө мәрвь
сах ә. ² Мәсәлә, жьна меркьри
бь қануне мере хвәйи сахва
гьредаи йә, ле һәгәр мер ле
дьмьрә, әв һьнге жь we қануна
кө мерва гьредаи бу аза дьбә.
³ Ава һәгәр мере we һе сах бә
әв бьбә жьна мерәки дьн, we
зьнек'ар бе һ'әсабе, ле һәгәр
мер ле бьмьрә, әв жь we қануне
аза дьбә у зьнек'ар набә, һәгәр
бьбә жьна мерәки дьн. ⁴ Өса
жи хун хушк-бьрайед мьн, бь
бәдәна Мәсиһ һьндава Қану-
неда мьрьн, кө бьбьнә п'ара
йәки дьн, Йе кө жь мьрьне
р'абуйә, вәки хун Хвәдер'а
бәр биньн. ⁵ Чьмки гава мә һе
бь бьнйат'а мәрвайе дьжит,
тәме гөна, кө жь Қануне сәри
һьлдьдан, нава қальбед мәда йа
хвә дькьрьн, кө әм бәре мьрь-
не бьдьн. ⁶ Ле ньһа әм һьндава
Қанунеда мьрьн, жь we хьлаз
бун, бь к'ижане әм гьрти бун,
кө әм бь жийина нуйә р'өһ'ани
хөламтийе Хвәдер'а бькьн, нә
кө бь р'ийа Қануна ньвисар.

Қанун у гөнә

⁷ Ава әм чь бежьн? Гәло
Қанун гөнә йә? На хер! Ле
бәле мьне гөнә нас нәкьра,

һәгәр Қануне нибуйа. Мәсәлә, дьлһавьжи жи мьне нъзань-буйа гөнә йә, һәгәр Қануне нәготьбуйа: «Дьлһавьжийе нәкә»*. 8 Ле гөнә жь т'әмийе мәшәл станд, нава мьнда һәр щур'ә дьлһавьжи пешда анин. Чьмки бе қанун гөнә мьри йә. 9 Эз хвәха вәхтәке бейи қанун сах бум, ле гава т'әми гьһиштә мьн, гөнә сах бу 10 у эз мьрьм. Әв т'әмийа кө we жийин быда мьн, һәма әв жи бу сәбәбе мьрьна мьн. 11 Чьмки гөнә жь т'әмийе мәшәл станд эз хапандьм у бь we көштьм.

12 Ава Қанун пироз ә у т'ә-мийа we пироз, р'аст у қәнщ ә. 13 Вәки өса йә йа қәнщ мьнр'а бу мьрьн? На хер! Ле әв кьре гөнә бу, кө бь йа қәнщ мьрьн сәр мьнда ани. Әв йәк аһа бу, вәки һ'өнөре гөнә к'ьфш бә у бь т'әмийе һе гөнәк'арийа гөнә к'ьфш бә.

Шәр'е нәхөйайи нава инсенда

14 Бәле әм заньн кө Қанун р'өһ'ани йә, ле эз хун у гошт ьм, хөламәки гөнәр'а фьроти. 15 Чьмки эз фә'м накм чь дькьм.

Нә кө wi тышти дькьм, чь кө дьхвазьм, ле wi тышти дькьм, чь кө бәр ч'ә'ве мьн р'әш ә*.

16 Ле һәгәр әз тыште нә бь дьле хвә дькьм, Қанунер'а қайл ьм, кө әв қәнщ ә. 17 Ле ава нә кө эз we йәке дькьм, ле бәле гөне кө нава мьнда дьминә дькә. 18 Эз заньм кө нава мьнда, ава готи бьһйат'а мьнда, т'ө тыште қәнщ наминә, чьмки хирәта мьн қә-бул накә, ле әв йәк мьнр'а ль һәв найе. 19 Бәле we қәнщйа кө дьхвазьм бькьм накм, ле хьрабийа кө нахвазьм we дь-кьм. 20 Һәгәр әз wi тыште нә бь дьле хвә дькьм, иди нә кө эз дькьм, ле әв гөне кө нава мьнда дьминә, әв дькә.

21 Ава әз қанунәке дьбиньм: Гава дьхвазьм кө қәнщйе бь-кьм, бе һ'әмде мьн дьбә хьраби. 22 Эз бь к'урайийа дьле хвә қануна Хвәде бәгәм дькьм, 23 ле қанунәкә дьн нава хвәда дьбиньм кө мьқабьли we қануна һ'ьше мьн бәгәм кьрийә дькә шәр' у мьн дькә һесире қануна гөна, йа кө нава мьнда йә. 24 Эз чь мәрвьәки һесир-бәләнгаз ьм! К'и we мьн жь дәсте ви

* 7:7 Дәрк'әтгьн 20:17; Қануна Дөщари 5:21.

* 7:15 Галати 5:17.

qальбе п'уч'и-мьри хьлаз кэ?
 25 (Шькьр жь Хwэдeр'а, бь сайа
 Ходанe мэ Иса Мэсиг!)

Бь ви аwайи эз хwэха бь
 һ'ыш-аqьле хwэ холамтийе
 qануна Хwэдeр'а дькьм у бь
 qальбе хwэ холамтийе qануна
 гонар'а дькьм.

Жийина бь Р'öh'е Хwэде

8 1 Ньһа иди диwана wан
 набэ, йед кo т'эви Мэсиг
 Иса бунэ йэк*. 2 Чьмки qану-
 на Р'öh'е кo жийине дьдэ, бь
 сайа Мэсиг Иса эз жь qануна
 гона у мьрне хьлаз^ф кьрм.
 3 Бэле чь кo Qануне жь дэст
 бет'аqетийа бьнйат'а мэр-
 вайе нькарьбу бькьра, Хwэде
 эw йэк кьр, Көр'е Хwэ дьлqе
 бьнйат'а мэрвайийэ гонэ-
 к'арда бона гона шанд. У аһа
 Эwi we бьнйат'еда диwана
 гонэ кьр, 4 wэки р'астбуна
 т'эмийед Qануне нава мэда бе
 qэдандьне, эм кo бь бьнйат'а
 мэрвайи нажин, ле бь Р'öh'.
 5 Йед кo ль гора бьнйат'а мэр-
 рвайе дьжин, эw сэр тыштед
 бьнйат'а мэрвайе дьфькьрн,
 ле йед ль гора Р'öh' дьжин, эw

сэр тыштед Р'öh' дьфькьрн.
 6 Ахьрийа фькьра бьнйат'а
 мэрвайе мьрн э, ле ахьрийа
 фькьра Р'öh' жийин у'дьлайи
 йэ. 7 Чьмки фькьра бьнйат'а
 мэрвайе дьжмьне Хwэде йэ,
 эw бэр qануна Хwэде хwэ
 нашкенэ, нэ жи дькарэ. 8 Эwед
 бь бьнйат'а мэрвайе дьжин,
 нькарьн ль Хwэде хwэш бен.

9 Ле һун бь бьнйат'а мэрва-
 йи нажин, ле бь Р'öh' дьжин,
 һэгэр р'аст Р'öh'е Хwэде нава
 wэда дьминэ. Ле һэгэр Р'öh'е
 Мэсиг дьле йэкида т'онэ, эw нэ
 п'ара Wi йэ. 10 У һэгэр Мэсиг
 дьле wэда йэ, qальб мьри йэ,
 чьмки wэ гонэ кьр, ле Р'öh'
 жийин э бона wэ, чьмки һун
 р'аст һатьнэ һ'эсабе. 11 У һэгэр
 эw Р'öh'е кo Иса жь мьрне
 р'акьр нава wэда дьжи, кo
 оса йэ Эwe Мэсиг жь мьрне
 р'акьр, we бь wi Р'öh'е Хwэи
 нава wэда, жийине бьдэ qальбе
 wэйи п'уч'и-мьри жи.

12 Бона ве йэке хушк-бьрано,
 эм дэйндар ьн, ле нэ дэйндаред
 бьнйат'а мэрвайе, кo ль гора we
 бьжин. 13 Чьмки һэгэр һун ль
 гора бьнйат'а мэрвайе бьжин,

* 8:1 Нав дэстньвисаред пашwэхтийеда эв жи һэйэ: «Бь бьнйат'а мэр-
 рвайи нажин, ле бь Р'öh'» (8:4 бьньһер'ьн).

хуне бьмьрын, ле хэгэр хун бь Р'öh' кьред бьнийат'а мэрьвайе бькөжьн, хуне бьжин.

¹⁴Әвед кө бь Р'öh'е Хвәде те- нә р'ебәрикьрне, әв ын лауед Хвәде. ¹⁵Чьмки вә р'öh'әки өса нәстандийә, кө вә дуса бькә хөлам бьтърсын, ле вә әв Р'öh' стандийә, Йе кө вә дькә лауед Хвәде, бь К'ижани гази Ви дь- кьн: «Абба^ф!» ава готи «Баво!»* ¹⁶Һәма әв Р'öh' Хвәха т'әви р'öh'е мә шәдәтийе дьдә, кө әм зар'ед Хвәде нә. ¹⁷У хэгәр зар' ын, өса жи хвәйивар ын, вәре Хвәде нә у т'әви вартийа Мәсиһ ын. Бәле хэгәр әм т'әви щәфайе Мәсиһ бунә, әме т'әви р'умәта Ви бьн жи.

Р'умәта создайи

¹⁸Әз аһа т'әхмин дькьм, кө щәфе мәйи ви зәмани, ль бәр р'умәта ве мөва* ә'йан бә, нә т'ө тышт ә. ¹⁹Һ'әму ә'фьрин жи бе сәбьр ч'ә'вньһер'и хөйабуна лауед Хвәде нә. ²⁰Бәле ә'фьрин

жи бәр байе бәталиие к'әтһн, нә кө бь һ'әмде хвә, ле Хвәде әв данә ве йәке*. Ле бәле әв гөман һәбу, ²¹кө ә'фьрине хвә- ха жи жь ве хөламтийа п'уч' аза бьн у т'әви азайи у р'умәта зар'ед Хвәде бьн. ²²Чьмки әм заньн кө һ'әму ә'фьрин һ'әта ньһа бь һәвр'а дькьнә зарә-зар у мина еша к'өлфәте^ф дьк'ьши- ньн. ²³У нә т'әне ә'фьрин, ле әм хвәха жи, кө мә чава бәре^ф дәрәмәта пешьн* Р'öh'е Пироз станд, нава хвәда зарә-зар ын у ве һивийе нә, һ'әта әм һәде лаутийа Хвәде бьстиньн, ава готи әм бьгьһижьнә азайийа қальбе хвә**.

²⁴Бәле ве гөмане- да әм хьлаз бун. Ле әв гөмана кө те дитьне, әв нә гөман ә, чьмки йәк чава дькарә гөмана ви тышти бә, к'ижан ль бәр ч'ә'ва йә? ²⁵Ле хэгәр гөмана мә ль тыште нәдити йә, әм бь сәбьре һивийе бьминьн.

²⁶Өса жи Р'öh'е^ф Пироз те һәвара бет'ақәтийа мә, чьмки

* 8:15-17 Галати 4:5-7.

* 8:18 Аһа жи те фә'мкьрне: «Нава мәда».

* 8:20 Дәстпәбун 3:17.

* 8:23 Аһа те фә'мкьрне: «Хвәде чава п'ешк'еша пешьн Р'öh'е Пироз дьдә» йан жи: «Р'öh'е Пироз чава бәре дәрәмәта Хвәдейә пешьнә кө Хвәде дьдә бавәрмәнд дьстиньн».

** 8:23 Корьнт'и II, 5:1-4.

эм нъзаньн гэрэке чава дӱа бькьн*, ле Р'ӱһ'е Пироз Хвӱха бь готьнед к'ӱсӱрӱ найенӱ сӱр зар-зьмана, бона мӱ лава-навчетийе дькӱ. ²⁷ У Йе дьла ӱ'нӱнӱ дькӱ занӱ фькьра Р'ӱһ'е Пироз чь йӱ, чьмки Ӳw wӱкӱ қьрара Хвӱде бона мӱрвьед Хвӱде лава-навчетийе дькӱ.

²⁸ Ӳм заньн кӱ хӱр тыштида Хвӱде дькӱ кӱ ванр'а бьбӱ қӱнщи, йед кӱ Wi х'ӱз дькьн* у ль гора қаз-қӱдрӱта Wi га-зикьри нӱ. ²⁹ Чьмки Хвӱде к'ижан пешда бьжартьн, ӱw жи пешда к'ӱфш кьрьн, кӱ бьбьнӱ мина Кӱр'е Wi, wӱки Иса нава гӱлӱк хушк-бьрада ньхӱри бӱ. ³⁰ К'ижан пешда к'ӱфш кьрьн, гази ван жи кьр у гази к'ижана кьр, ӱw жи бесуш кьрьн у к'ижан бесуш кьрьн, ӱw жи хвӱйир'умӱт кьрьн.

Х'ӱзкьрьна Хвӱде: Һӱгӱр Иса йар ӱ, к'и we нӱйар бӱ?

³¹ Аwa ӱм чь бежьн бона ван тышта? Һӱгӱр Хвӱде пышта мӱ

йӱ, к'и дькарӱ мьқабыли мӱ бӱ? ³² Ӳwe кӱ һ'ӱйфа Wi Кӱр'е Wi нӱһат, ле бона мӱ һ'ӱмуйа да дӱр, иди we чава хӱр тышти т'ӱви Wi п'ешк'еши мӱ нӱкӱ? ³³ К'и дькарӱ бьжартийед Хвӱде гӱнӱк'ар кӱ? Хвӱде йӱ, кӱ ван бесуш дькӱ. ³⁴ К'и дькарӱ ван нӱһӱкӱ кӱ? Мӱсиһ Иса йӱ кӱ бона ван мьр, ле бӱле жь мьрьне р'ӱбу жи у к'елӱка^ф Хвӱдейӱ р'ӱсте йӱ, бона мӱ лава-навчетийе дькӱ. ³⁵ Чь we бькарьбӱ мӱ жь we х'ӱзкьрьна Мӱсиһ бьқӱ-тинӱ? Дӱрд-кӱл, тӱ'ли-тӱнги, зерандьн, хӱлайи-щӱлайи, бесьт'ари, қӱдӱ-бӱла йан шур? ³⁶ Чава ньвисар ӱ:

«Бона Тӱ ӱм хӱр р'ӱж бӱр мьрьне нӱ, мина пӱза сӱржекьрьне х'ӱсаб дьбьн»*.

³⁷ Ле ӱм нава ван х'ӱму тышта-да һе зедӱ сӱрдьк'ӱвьн, бь сайа Ӳwi кӱ ӱм х'ӱз кьрьн. ³⁸ Чьмки ӱз ӱ'сӱйи заньм кӱ нӱ мьрьн, нӱ жийин, нӱ мьльак'ӱт^ф, нӱ шӱхсӱк, нӱ тыштед һазьр, нӱ

* 8:26 Аһа жи те фӱ'мкьрьне: «Бона чь дӱа бькьн».

* 8:28 Нав һьнӱк дӱстньвисарада аһа йӱ: «Ӳм заньн кӱ хӱр тышт ванр'а дьбьнӱ қӱнщи йед кӱ Хвӱде х'ӱз дькьн».

* 8:36 Зӱбур 44:22.

* 8:39 Аһа жи те фӱ'мкьрьне: «Нӱ бьльндайи, нӱ к'урайи».

тыштед we бен, нэ т'ö qəwat, ³⁹нэ йед жорьн, нэ йед жерьн* у нэ жи э'фьринэки майин дь-карэ мэ жь һ'эзкьрьна Хвэде бьқэтинэ, йа кө бь дэсте Хөдан Мэсиһ Иса п'ара мэ к'этийэ.

**Хвэде у мьлэте ви
шьһуйе бьжарти**

9 ¹Эз бь Мэсиһ бе хельф р'аст дьбежым у исафа^ф мын жи бь сайа Р'өһ'е Пироз мынр'а шэ'дэтийе дьдэ, ²кө эз гэлэки бэр хвэ дьк'эвм у көла дьле мын жи к'урэ. ³Чьмки мын хвэха дьхвэст ньфьр'ль мын бьбуйа, т'ела мын жь Мэсиһ бьқэтийа, бона мьлэте мыни жь хун-гоште мын, ⁴кө исраели^ф нэ. Ль ван дьк'эвэ бьбьнэ лавед Хвэде, Хвэде р'умэта Хвэ нишани ван да, пэйман^ф т'эви ван гьредан, қанунед Хвэ данэ ван у кьрьнэ хвэийед һ'эбандьн у созед дайи*. ⁵Кал-бав жи жь ван ын у Мэсиһ жи алийе хун у гоштда жь нав ван һат, кө сэр һ'эму-

йар'а Хвэдейе һ'эта-һ'этайейи нежайи шыкьрийе йэ. Амин.

⁶Ле бэле нақəшьмэ кө созе Хвэде хельф дэре, чьмки нэ кө əw һ'эму нэ исраели, йед кө жь Исраел дьне к'этьнэ ⁷у нэ жи һ'эмуийед жь бэдэна Бьраһим бунэ зар'ед вийэ һəқ-һ'элал ын, ле һатийэ готьне: «Зөр'эта тэје Ишақда^ф бе навкьрьне»*. ⁸Аwa готи зар'ед Хвэде нэ əw ын, йед кө жь бэдэна т'эбийэти нэ, ле зар'ед создайи we зөр'эт бенэ һ'эсабе. ⁹Чьмки созе готи əв бу: «Салəкə дьн ви чахи əзе ль сэр тэда бем у көр'əке Сəрайер'а бьбэ»*. ¹⁰Ле нэ т'эне əв бу, Р'евека^ф жи бь дө көр'а жь бавэки һ'эмлэ дэрк'эт, awa готи жь баве мэ Ишақ. ¹¹⁻¹²Гава көр'ьк һе нэбьбун, һе қэнщи-хьраби нэкьрьбун, Р'евекайер'а һатэ готьне: «Йе мэзын we хөламтийе ль йе бь-ч'ук бькə»*. Əв йəк бу, wəки қьрара Хвэде wəкə бьжартына Ви дэре, нэ кө кьрава гьредаийи бэ, ле ль гора газийа Хвэде бэ.

* ^{9:4} Бь йунани хэбэр бь хэбэр аһа йэ: «Ль ван дьк'эвэ бьбьнэ зар'ед Хвэде, хвэийед р'умэт, пэймана, Қануна дайи, һ'эбандьн у созед дайи».

* ^{9:7} Дəстпəбун 21:12.

* ^{9:9} Дəстпəбун 18:10, 14.

* ^{9:11-12} Дəстпəбун 25:23.

13 Чаша нъвисар э: «Мън Агуб^ф h'ыз кър, ле жь Эса^ф чум»*.

14 Эм иди чь бежън? Гэло нәһәқийа Хвәде һәйә? На хер!
15 Чъмки Мусар'а дьбежә: «Эз к'ижани бемә р'ә'ме, Эзе бемә р'ә'ме у дьле Мън сәр к'е бьшәвьтә, we бьшәвьтә»*. 16 Эв йәк иди нә жь хвәстън йан хирәта мерьв э, ле жь р'ә'ма Хвәде йә. 17 Чъмки нъвисара пироз Фьрәвьнр'а^ф дьбежә: «Бона we йәке Мън тә кьри п'адша, вәки қәвата Хвә бь тә бьдьмә к'ьфше у наве Мън т'әмамия дьнйайеда бе готъне»*. 18 Ава Хвәде к'ижана дьхвазә те р'ә'ме у к'ижана дьхвазә ван сәрһ'ышк дькә.

Һерс у р'ә'ма Хвәде

19 Кө өса йә те мьнр'а бежи: «Ле иди чьма Хвәде мә нәһәқ дькә? К'и дькарә ль бәр қьра-ра Wi р'абә?» 20 Ле тә к'и йи, э'вдо, кө ль бәр готъна Хвә-

де р'адьби? Гэло шер' дькарә шер'кәрр'а бежә: «Тә чьма эз аһа чекьрьмә?»* 21 Чьма һ'өкөме шер'кәр сәр ахе т'өнә кө жь we һ'әр'ийа стьрайи һьн дәрданед^ф бона р'умәте чекә, һьн жи бона бер'умәте? 22 Ле чь ве йәкер'а һәйә, һәгәр Хвәде хвәст бәри к'ьфшкьрьна һерс у қәвата Хвә, бь думька дьреж гәләки сәбьра Хвә ль ван дәрданед һежайи һерсе бинә, йед кө ондабунер'а һазьр сәкьни нә?»* 23 Wi әв йәк кър, вәки дәвләмәндтийа р'умәта Хвә ван дәрданар'а бьдә к'ьфше, йед кө бунә хвәйе ве р'ә'ме, к'ижан кө Wi пеш-да һазьр кьрьбун, вәки әв т'әви р'умәта Wi бьбуна. 24 У әв дәрданед газикьри әм ьн, нә кө т'әне жь шьһуйа, ле жь нәшьһуйа жи, 25 чаша к'ьтеба һосейада Эв дьбежә:

«Щьмә'та кө нә щьмә'та Мън э, Эзе бежьме: <Щьмә'та Мън>

* 9:13 Малахи 1:2-3.

* 9:15 Дәрк'әтън 33:19.

* 9:17 Дәрк'әтън 9:16.

* 9:20 Ишайа 29:16; 45:9.

* 9:22 Аһа жи те фә'мкьрьне: «Ле чь ве йәкер'а һәйә, һәгәр Хвәде бь думька дьреж ль ван дәрдана сәбьр дькә, к'ижан һежайи we һерсе нә у ондабунер'а һазьр сәкьни нә, чъмки Wi хвәст һерса Хвә бьдә к'ьфше у қәвата Хвә ванва э'йан кә?»

у йа нэ дэлал Эзе бежме: «Дэлал»*.

26 У «we дэра кӧ ванр'а hatə готъне: «Һун нэ шьмэ'та Мьн ын»,

Һэма ль wьр жи эwe лавед Хwэдейе сах бенə готъне»*.

27 Ишайа^Ф жи бона Израел дькə гази дьбежə:

«Һэгэр һ'эсабе зар'ед Израел wэкə қума бə'ре бə, т'эне һнэк we же хьлаз бə.

28 Чьмки Хӧдан we кьн у кӧрт зутьре диwana дьне бькə».*

29 У чава Ишайа бэри ве йэке гот: «Һэгэр Хӧдане Зор мэр'а зӧр'эт нəһшта, эме бьк'этана р'ожа Содоме^Ф у бьбуна мина Гоморайе»**.

Израел у Мьзгини

30 Эм иди чь бежьн? Нəшь-һуйед кӧ пəй р'астһ'эсаббуне нəдьчун, гьһиштънə р'астһ'эсаббуне, we р'астһ'эсаббуна жь бawэрийе, ³¹ле Израел кӧ пəй Qануне дьчу кӧ р'аст бе һ'эсабе, нəгьһиштə we йэке. ³²Чьма?

Чьмки эw нэ кӧ бь бawэрийе бу, ле бь кьред хwə. У эw сэр кэвьре льк'ӧмандьнеда к'эт хол бу, ³³чава ньвисар ə:

«Ва Эз кэвьрəки льк'ӧман-дьне Сийонедə^Ф датиньм, зьнарəки же холбуне ле һэр кэсе кӧ бawэрийа хwə Wi бинə, we шэрми нəбə»*.

10 ¹Хушк-бьрано! Дӧаухwэс-тъна дьле мьн жь Хwэде бона хьлазбуна Израеле йə. ²Эз шə'де wана мə, кӧ эw һьндава Хwэдеда хwэйихирət ын, ле эв йэк бе занəбун ə. ³Wана фə'м нэкьр, кӧ Хwэде чава мерьв р'аст һ'эсаб дькə, хwэстьн бь шур'е хwə һ'име һəқийе дайньн у ль бэр һəқийа Хwэде та нəбун. ⁴Чьмки бь Мəснһ Qанун сэр һəвда hat, кӧ һэр бawəрмэнд бь wi р'аст бе һ'эсабе.

Һэр кэс дькарə хьлаз бə

⁵Бона we р'астһ'эсаббуна жь Qануне Муса аһа дьньвисə:

* 9:25 Һосəйа 2:23.

* 9:26 Һосəйа 1:10.

* 9:27-28 Ишайа 10:22-23.

* 9:29 Ишайа 1:9.

** 9:29 Дəстпəбун 19.

* 9:33 Ишайа 8:14; 28:16.

«Мөрвөвө кӧ Қануне бьқәдинә, бь we жи әвө бьжи»*. ⁶Ле р'аст-һ'әсабуна кӧ жь бавәрийе йә, аһа дьбежә: «Дьле хвәда нәбежә: К'е we р'абә ә'змен?»* (ава готи Мәсиһ жорда бинә), ⁷йан: «К'е we һәр'ә дийаре мьрийа?»* (ава готи Мәсиһ жь нава мьрийа дәрхә). ⁸Ле бәле нъвисар чь дьбежә? «Хәбәра Хвәде ль шәм тә йә, ль сәр заре тә йә у дьле тәда йә»*, (ава готи әв хәбәра бавәрийе, йа кӧ әм даннасин дькьн). ⁹Һәгәр тӧ бь дәвө хвә иқрар^ф бьки, кӧ Иса Хӧдан ә у дьле хвәда бавәр бьки, кӧ Хвәде Әв жь нава мьрийа р'акьрийә, те хьлаз би. ¹⁰Чьмки бь дьл йәк бавәр дькә, р'аст те һ'әсабе у бь дәв иқрар дькә, хьлаз дьбә. ¹¹Чава нъвисар дьбежә: «Һәр кәсе кӧ бавәрийа хвә Ви бинә, we шәрми нәбә»*. ¹²Ль вьр фьрқи т'ӧнә нава шьһу у нәшьһуйада, чьмки Хӧдане һ'әмуя йәк ә, һьндава

ван һ'әмуяда жи мәр'д ә, к'и-жанед гази Ви дькьн. ¹³Чьмки нъвисар дьбежә: «К'и гази наве Хӧдан кә, we хьлаз бә»*.

Қӧсура Исраеле

¹⁴Ле we чава гази Ви кьн, һәгәр бавәрийа хвә Ви нәанинә? Йан we чава бавәрийа хвә Ви биньн, һәгәр бона Ви нәбьһистьнә? Йан we чава бьбьһен, һәгәр хәбәр даннасин нәбә? ¹⁵Йан we чава хәбәре даннасин кьн, һәгәр нәйенә шандьне? Чава нъвисар ә: «Чьқаси һ'әвас ьн гавед йед мьзгинийа хере дьдн!»*

¹⁶Ле һ'әмуя гӧр'а Мьзгинийе нәкьр, чьмки Ишайа дьбежә: «Хӧдан, к'е әв готьна кӧ мә гот бавәр кьр?»* ¹⁷Ава бавәри жь бьһистьне те у бьһистьн жи жь готьнед бона Мәсиһ.

¹⁸Ле бәле әз дьпьрсьм: Гәло вана нә бьһист? Нақәвьмә. Чьмки нъвисар ә:

* ^{10:5} Қануна К'аһинтийе 18:5.

* ^{10:6} Қануна Дӧшари 30:12.

* ^{10:7} Қануна Дӧшари 30:13.

* ^{10:8} Қануна Дӧшари 30:14.

* ^{10:11} Ишайа 28:16.

* ^{10:13} Йоел 2:32.

* ^{10:15} Ишайа 52:7.

* ^{10:16} Ишайа 53:1.

«Дэнге ван т'эмамия а'р-де һьлда у хэбэра ван ль қолбед дьнайе бэла бу»*.

¹⁹ Эз диса дьпърсым: Гэло Исраел пе нэһ'эсийа? Пешийе Муса дьбежэ:

«Эзе бь мьлэте нэ мьлэт хелана бьдьмэ вэ у бь мьлэтэки бэфэ'м һерса вэ р'акьм»*.

²⁰ У Ишайа мерк'ими дьбежэ: «Эз ванва дэрк'этым, к'ижан ль Мьн нэдьгэр'ийан у Эз ванва э'йан бум, к'ижана бона Мьн нэдьпърсин»*.

²¹ Ле бэле бона Исраеле дьбежэ: «Т'эмамия р'оже Мьн дэсте Хвэ дьрежи мьлэтэки сэрһ'ышк у хвэсэрихвэ кьр»*.

Р'э'ма Хвэде һьндава мьлэте Ви Исраеледа

11 ¹ Ава эз дьпърсым: Гэло Хвэде дэст жь щьмэ'та Хвэ кьр? На хер! Эз хвэха жи

исраели мэ, жь зөр'эта Бьраһим ьм, жь қэбила Бьнйамин^ф.*

² Хвэде дэст жь щьмэ'та Хвэ нэкр, к'ижан пешда бьжартьбу. Йан һун ньзаньн сэрһатийа Елийасда^ф ньвисар чь дьбежэ чава, ви шькийате^ф Исраеле ль Хвэде дькр дьгот? ³ «Ходан, п'эхэмбэред Тэ көштьн, гори-гәһед^ф Тэ хьраб кьрын, т'эне эз мамэ у пэй мьн жи к'этынэ кө бькөжьн»*. ⁴ Ле шаба Хвэде чь бу? «Мьн Хвэр'а һ'эфт һ'эзар мэри хвэй кьрынэ, йед кө ль бэр Баэ'л^ф чок нэданэ»*. ⁵ Оса жи ньһа ви зэманида һьнэкэ бь к'эрэма Хвэде бьжарти манэ.

⁶ У һэгэр бь к'эрэме йэ, иди нэ жь кьра йэ, һэгэр өса буйа, к'эрэм иди нэдьбу к'эрэм.

⁷ Иди чь? Исраел нэгһиштэ we чь кө дьгэр'ийа, ле йед бьжарти гьһиштэне у йед майин кор бун, ⁸ чава ньвисар э:

«Хвэде шэвэр'эша кора ани сэр ван,

* ^{10:18} Зэбур 19:4.

* ^{10:19} Қануна Дөщари 32:21.

* ^{10:20} Ишайа 65:1.

* ^{10:21} Ишайа 65:2.

* ^{11:1} Филипи 3:5.

* ^{11:3} П'адшати III. 19:10, 14.

* ^{11:4} П'адшати III, 19:18.

кө бь ч'э'ва нэбиньн у бь
гöһа нэбьһен, һ'эта р'ожа
пройин»*.

⁹ У Дауьд дьбежэ:

«Дэ бьра т'эхт-сьфьред ван
ль ван бьбьнэ т'ор' у т'э-
лэк,

қэдэ-бэла жи һәде ван бэ.

¹⁰ Бьра ава р'эш бе сәр ч'э'вед
ван, нэбиньн
у пышта ван т'ьме тэвийайи
бэ».*

¹¹ Ава эз дьпърсьм: Гэло эв
жь р'е дәрк'этын, кө онда бьн?
На хер! Ле нәһәқийа ван бу
сәбәбе хьлазбуна нәщьһуйа, кө
позе ван жи бышәwьтә. ¹² Һәгәр
нәһәқийа ван бу сәбәб кө дьн-
йа дәwләти бә у к'этына ван бу
сәбәб кө нәщьһу дәwләти бьн,
ле we һе чьқас к'ар бә гава т'э-
маийа ван хьлаз бә!

Хьлазбуна нәщьһуйа

¹³ Ньһа эз wә нәщьһуйар'а
дьбежьм: Бәле эз шандийе нә-
щьһуйа мә, қөльхе хwә бьльнд
дькьм, ¹⁴ бәлки бькарьбьм позе
йед жь хун у гоште хwә бьдь-
мә шәwате у жь ван һьнәка

жи хьлаз кьм. ¹⁵ Чьмки һәгәр
т'әхсирбуна^ф ван бу сәбәбе ль-
һәвһатьна дьнйае т'әви Хwәде,
иди ле қәбулбуна ване бьбә
чь, һәгәр нә сахбуна мьрийа?

¹⁶ Һәгәр гьрька һәвир, чава
бәре^ф дәрәмәта пешьн Хwәдер'а
дайи һ'әлал ә, кө өса йә т'әма-
мийа шкәве пева һ'әлал ә*. У
һәгәр р'ав пироз ьн, ч'ьръл жи
пер'а пироз ьн. ¹⁷ Һәгәр жь ван
ч'ьрyla һьнәк шкәстьн, ле тә,
нәщьһу дара зәйт'унейә бәйани
буйи, дәwса ван һати сәрва-
кьрьне у т'әви қьнйата р'әwед
зәйт'уне буйи, ¹⁸ тә дьле хwә ль
ван ч'ьрълед шкәсти ша нәкә. Ле
һәгәр дьле хwә ша ки, бир бинә,
wәки нә кө тә р'ав жор гьртьнә,
ле р'аwа тә гьртийи. ¹⁹ Иди те
бежи: «Ч'ьръл шкәстьн, wәки
эз бемә сәрвакьрьне». ²⁰ Р'аст
ә. Әwана жь дәст нәбаwәрийе
шкәстьн у тә бь баwәрийе һ'им
гьрт. К'өбар нәбә, ле бьтьрсә.
²¹ Чьмки һәгәр һ'әйфа Хwәде
ч'ьрълед бьнйат'и нәһат, һ'әйфа
Wi we тә жи нәйе. ²² Ава дина
хwә бьдә ширьнайи у һ'ышкийа
Хwәде, Әw һ'ышк ә һьндава жь

* 11:8 Қануна Дөшари 29:4; Ишайа 29:10.

* 11:9-10 Зәбур 69:22-23.

* 11:16 Жьмар 15:19, 20.

р'ек'этийада у ширьн э һьндава тэда, һэгэр нава ширьнайийе-да бьмини. Ле һэгэр на, те жи бейи бьр'ине. ²³ Ле һэгэр шьһу нава нэбавэрийеда нэминьн, we бенэ сэрвакьрьне, чьмки Хвэде диса дькарэ ван сэрвакэ. ²⁴ Чьмки һэгэр тэ, нэшьһу wэки бьнийат'а хвэда ч'ьцьле зэйт'уна бэйани буйи у һати бьр'ин, сэр we зэйт'уна қәншэ нэ жь бьнийат'а хвэ һати сэрвакьрьне, ле һе чьқас р'ьһ'эт эве кэ ч'ьцьлед бьнийат'и нэ, we сэр зэйт'уна хвэ бенэ сэрвакьрьне.

**Р'э'ма Хвэдейэ
һьндава һ'эмуйда**

²⁵ Эз нахвазьм хушк-бьрано, кэ һун һаш жь ве сөр'е т'өнэ-бьн, кэ һун хвэ дэвса зана данэйньн. П'арэкэ мьлэте Израеле we сэрһ'ышк бьминэ, һ'эта һ'эсабе ван нэшьһуйед кэ we хьлаз бьн т'эмам бэ. ²⁶ Бь ви авайи т'эмаийа Израеле we хьлаз бэ, чава ньвисар э:
«Азакьр we жь Сийоне бе у бехвэдетийе жь Ақуб дур хэ.

²⁷ У эв э пэймана Мьнэ т'эви ван,

гава Эз гөнед ван һьлдьм»*.

²⁸ Мьзгинийе кэ дьньһер'и, эвана дьжмьн ьн бона хатьре wэ, ле бьжартьне кэ дьньһер'и, эвана һ'ьзкьри нэ, бона хатьре кал-бавед ван. ²⁹ Чьмки Хвэде к'ижана дьбьжерэ у п'ешк'еша дьдэ к'е, we йэкеда нэ п'ошман э. ³⁰ Чава wэ жи wэхтэке гөһ-дарийа Хвэде нэдькьр, ле ньһа бь нэгөһдарийа wана wэ р'э'м дит, ³¹ оса жи эвана ньһа бунэ нэгөһдар, wэки бь р'э'мдитьна wэ эw жи р'э'ме бьбиньн. ³² Чьмки Хвэде һ'эму кьрьнэ гьртийед нэгөһдарийе, wэки һ'эмуяа жи бе р'э'ме.

**Пэсьндайна
занэбуна Хвэде**

³³ Чьқаси к'ур ьн дэвлэмэнд-ти, сэрвахти^ф у занэбуна Хвэде! Қьраред Wi чьқаси жь һ'ыш-ақьла дур ьн у кэс сэрэ-дэрийе жь р'ийед Wi накэ!*

³⁴ Чава ньвисар э:

«К'е нета Хөдан пе һ'эсийа?
Йан к'е бу ширэтк'аре Wi?»*

* 11:27 Ишайа 59:20-21; 27:9.

* 11:33 Ишайа 55:8-9.

* 11:34 Ишайа 40:13; Йерэмийа 23:18.

35 Йан к'е пешда тыштэк дайэ
 Wi,
 wэки Әw диса ль ван вэгә-
 р'инә?»*

36 Чъмки һәр тышт жь Wi, бь
 Wi у бона Wi нә. Шькър жь
 Wир'а һ'эта-һ'этайе. Амин*.

Qöרבанед^ф сахэ дөрөфкьри

12 ¹ Аwa эз һиви жь wә
 дькьм хушк-бьрано,
 бона we дьлшәwатийа Хwә-
 де, қальбе хwә дийари Хwәде
 кьн, чаwa қөрбанәкә^ф сахэ
 дөрөфкьри, ль Wi қәбул, йа
 кө һ'эбандьна wәйә р'өһ'ани*
 йә. ² У нәк'эвьнә кьрасе бәнде
 ве дьнийәе, ле бь нубуйина
 һ'ыше хwә wәрьнә гөһастьне,
 wәки бьзаньбьн чь йә қьрара
 Хwәде, кө қәнщи, хwәши у
 к'амьли йә.

³ Әз бь we к'әрәма кө Хwәде
 да мьн, wә һәр кәсир'а дьбе-
 жьм: Чьқас жь wә дьк'эвә, жь
 we зедәтьр нәфькьрьн, ле сәр
 хwә бьн, бьра һәр кәс wәкә we
 бawәрийа кө Хwәде п'арәвә-

кьр, бьфькьрә. ⁴ Чаwa қальбе
 мәда гәләк әндәм һәнә у һ'әму
 әндәм кьрәки накьн*, ⁵ өса
 жи әм гәләк ьн, ле йәктийа
 Мәсир'да әм бәдәнәк ьн у һәр
 кәс жь мә әндәмед һәв ьн.
⁶ Аwa анәгори we к'әрәма мәр'а
 һатийә дайине, п'ешк'ешед
 хwәйә шур'ә-шур'ә бьдьнә
 хәбате. һәгәр п'ешк'еша п'е-
 хәмбәртийе^ф йә, бьра wәкә we
 чаpa бawәрийе бьдьнә хәбате,
⁷ һәгәр хьзмәтк'ари йә, бьра
 нава хьзмәтк'арийеда бьн,
 һәгәр һинкьрьн ә, бьра пәй
 һинкьрьне бьн, ⁸ йе дьл дьдә
 мерьв, бьра ль пәй we йәке
 бә, әwe п'арәвәдькә, бьра бь
 мәр'дани бькә, әwe сәрwер ә,
 бьра хирәт бә, әwe қәнщийе
 дькә, бьра бь әшқ у ша бькә.

⁹ һ'ызкьрьна wә һ'ьләк'ари
 нибә, жь хьрабийе зьвер бьн,
 хwәль қәнщийе бьгьрьн. ¹⁰ һ'ыз-
 кьрьнеда чаwa хушк-бьра сәр
 һәв шәwат бьн, қәдьркьрьнеда
 жь һәвдө дәрбазтьр бьн, ¹¹ хи-
 рәтеда хwәр'анәдити нибьн,

* 11:35 Ибо 41:11.

* 11:36 Корьнт'и I, 8:6.

* 12:1 Аһа жи те фә'мкьрьне: «Һ'эбандьна wәйә р'аст», йан «Һ'эбан-
 дьна wәйә т'эбийәти».

* 12:4-8 Корьнт'и I, 12:4-12.

р'öh'e хwэда* алав дьн, хьзмэтк'арийа Ходан бькьн, ¹²бь гомане ша бьн, тэнгасийада сэбьр кьн, һәр гав дōа бькьн, ¹³дэсте хwэ дьрежи шьмэ'та Хwэдейә дэсттэнг кьн, пәй меванһ'ьзийе бьн.

¹⁴Йе wә дьзериньн һун дōа ван бькьн, бәле дōа бькьн у ньфьр'а ль ван нәкьн*. ¹⁵Т'эви йед ша дьбьн ша бьн у т'эви йед дьгьрин бьгьрин. ¹⁶Фькьра wә һәр кәси һьндава һәвда йәк бә, к'обар-бабах нибьн, ле т'эви п'әришана ньмьз бьн, хwә дәwса занә данәйньн*.

¹⁷Жь бәр хьрабийева хьрабийе ль т'ө кәси нәкьн. Чь ль бәр ч'э'ве һ'әму мәрьва қәнщ ә, we бькьн. ¹⁸Чьдас жь дәст wә те, т'эви һ'әму мәрьва ә'длайийеда бьн. ¹⁹Һ'әйфе һьлнәдьн, дәлално, ле щи бьдьнә һерса Хwәде, чьмки ньвисар ә: «Һ'әйфһьлдан дәсте Мьн ә, Әзе һ'әйфе һьлиньм, Ходан дьбежә»*. ²⁰Ле бәле әв жи һәйә: «Һәгәр дьжмьне тә бьр'чи

йә, нен бьде у һәгәр т'и йә, аве бьде, чьмки тō бь ве йәке пьриске егьр сәр сәре ви т'оп дьки»*. ²¹Нәһелә хьраби сәр тә к'әвә, ле бь қәншийе тō сәр хьрабийе к'әвә.

Һәләқәтийа бawәрмәнда т'эви сәрwер у һ'өкөмәтед ве дьне

13 ¹Һәр мәрвьәк бьра гō-р'а ван һ'өкөмәтийада бә, кō сәр wир'а нә, чьмки т'ө һ'өкөмәти бейи дәстүра Хwәде т'өнә у әwe кō һәнә жи, жь Хwәдеда нә. ²Аwа к'и кō бәр һ'өкөмәтийе р'адьбә, әw бәр ә'мьре Хwәде р'адьбә у әwe кō р'адьбьн, диwана Хwәде сәр хwәда тиньн. ³Чьмки сәрдар йед қәншийе дькьн натьрсиньн, ле йед хьрабийе. Тō дьхwази жь һ'өкөмәте нәтьрси? Хwә ль қәншийе бьгьрә, те бьби ширьне we. ⁴Чьмки әw хьзмәтк'аре Хwәде йә бона қәншийед тә. Ле һәгәр хwә ль хьрабийе бьгьри, же бьтьрсә, чьмки ви бадиһәwа^ф

* 12:11 Аһа жи те фә'мкьрьне: «Бь Р'öh'e Хwәде алав дьн».

* 12:14 Мәтта 5:44.

* 12:16 Готьнед Сьлеман 3:7.

* 12:19 Qануна Дōшари 32:35.

* 12:20 Готьнед Сьлеман 25:21, 22.

шур гьренэдайэ. Эw хьзмэт-к'аре Хwэде йэ, кө һерса Wi сэр ванда бър'ежэ, к'ижанед кө хьрабийе дькьн. ⁵ Лэма эм гэрэке гөра һ'өкөмэтада бьн, нэ т'эне wэки эм ль бэр һерсе нэк'эвьн, ле бэле wэки исафа мэ жи дьле мэ р'ьһ'эт бьһелэ.

⁶ Бона ве йэке жи һун хэрщ жи дьдьн, чьмки эw хөламед Хwэде нэ, борщдаред хэрщ-стандьне нэ*. ⁷ Аwa к'ер'а чь дьк'эвэ, ль wан вэгэр'иньн, к'ер'а хэрщ дьк'эвэ, хэрщ бьдье, к'ер'а сэлэф дьк'эвьн, сэлэфа бьдье, жь к'е гэрэке бьтърсьн, бьтърсьн, к'ер'а қөдър дьк'эвэ, қөдье wi бьгьрьн.

Һ'ызкьрьна һьндава һэвда

⁸ Т'ө тыштида дэйндаре т'ө кэси нэминьн, пештьри ль һэв һ'ызкьрьне, чьмки к'и кө һэвале хwэ һ'ыз дькэ, т'эмамыйа Qануне дьқэдинэ. ⁹ Эв т'эмийед кө һэнэ: «Зьнийе нэкэ, нэкөжэ, нэдьзэ, дьлһавьжийе нэкэ»* у һэр чь т'эмийед кө һэнэ, дьк'эвьнэ нава ве готье: «Һэвале хwэ wэкэ хwэ һ'ыз бькэ»**.

¹⁰ Һ'ызкьрьн хьрабийе ль һэвале хwэ накэ. Аwa һ'ызкьрьн сэре Qануне дьгьрэ.

¹¹ Ве йэке бькьн, чьмки һун заньн эв чь зэман э. Ньһа иди wэхт э һун жь хэве һ'ышйар бьн, чьмки ньһа хьлазбун һе незики мэ йэ, нэ кө һьнге гава мэ баwэр кьр. ¹² Шэв гэлэк чуйэ, сьбэһ незик буйэ, аwa кьред тэ'ристанийе эм жь хwэ дур хьн у ч'экед р'онаийе сэр хwэва кьн. ¹³ Öса бьжин чава р'онайа р'оже, бе куч'ьксантийе, сэрхwэшийе, бенамусийе, һ'эрамыйе, шэр'удийе у һ'эвсудийе. ¹⁴ Ле Хөдан Иса Мэсиһ ль хwэ бькьн мэрт'ал у гөһ нэдьнэ wан хwэстьнед бьнйат'а хwэйэ мэрьвайи.

Лома ль бьрайе хwэ нэкэ

14 ¹ Эwe кө баwэрийеда сьст э, қэбул кьн, ле нэ кө бона бир-баwэрийа wi жер'а бьк'эвьнэ дэ'we. ² Йэк баwэр дькэ, кө һэр тышти дькарэ бьхwэ, ле йе сьст э, т'эне п'ьн-шар'е дьхwэ. ³ Эwe кө дьхwэ, бьра йе нахwэ беһөрмэт нэкэ

* ^{13:6} Мэтта 22:21.

* ^{13:9} Дэрк'этьн 20:13-15, 17; Qануна Дөщари 5:17-19, 21.

** ^{13:9} Qануна К'аһинтийе 19:18.

у әве кӧ нахвә, бьра лома йе дьхвә нәкә, чьмки Хвәде әв қәбул кьрийә. ⁴ Тӧ к'и йи кӧ лома хӧламе хәлде дьки? Һәгәр сәкьни бә йан к'әти бә, әв ише Хвәйе ви йә. Ле ве бьсәкьнә, чьмки Хӧдан дькарә ви бьдә сәкьнандьне.

⁵ Йәк р'ожәке сәр р'оже дьн-р'а дьгьрә, йәк жи һ'әму р'ожа вәкә һәв дьгьрә. Бьра һәр кәс фә'мина хвәда бавәр бә. ⁶ К'е р'ожәке хвәр'а ә'зиз һ'әсаб дькә, бона Хӧдан ә'зиз һ'әсаб дькә, ӧса жи әве дьхвә бона Хӧдан дьхвә, чьмки шькьрийе дьдә Хвәде. У йе нахвә жи бона Хӧдан нахвә у шькьрийе дьдә Хвәде. ⁷ Жь мә тӧ кәс бона хвә нажи у т'ӧ кәс жи бона хвә намьрә. ⁸ Һәгәр әм дьжин, бона Хӧдан дьжин у һәгәр әм дьмьрн бона Хӧдан дьмьрн. Ава һәгәр әм бьжин йан бьмьрн, п'ара Хӧдан ьн. ⁹ Бона ве йәке жи Мәсиһ мьр у сах бу, вәки һьн һ'ӧкӧми сәр мьрийа бькә, һьн жи сәр зендийа. ¹⁰ Иди тӧ чьма лома бьре хвә дьки? Йан тӧ чьма бьре хвә беһӧрмәт дьки? Әм

һ'әмује жи ль бәр диwana Хвәде бьсәкьнһн*. ¹¹ Чьмки һьвисар ә: «Әз сахийа Хвә кьм, Хӧдан дьбежә, кӧ һәр чок ве ль бәр Мьн бьтәвә у һәр кәсе бежә: «Тӧ йи Хвәде»*. ¹² Ава жь мә һәр кәсе бона хвә шабе ль бәр Хвәде бьдә.

Бьре хвә п'ьшк^ф нәкә

¹³ Дә иди әм лома һәвдӧ нәкьн, ле һун хвәр'а бьдьнә бәр һ'әсаба, чава бькьн кӧ ньг нәдьнә ль бәр бьра, кӧ нә-льк'ӧмьн йан п'ьшк^ф нәбьн. ¹⁴ Әз ве йәке заньм у Хӧдан Исада гӧман ьм, кӧ тыштәки жь хвә һ'әрам^ф т'ӧнә, ле бона ви һ'әрам ә, йе кӧ һ'әрам һ'әсаб дькә. ¹⁵ Һәгәр бь хварьна хвә тӧ дьле бьре хвә жь хвә дьһели, иди жийина тә нә бь һ'ьзкьрьне йә. Бь хварьна хвә ви ӧнда нәкә, бона к'ижани Мәсиһ мьр. ¹⁶ Бьра әв тыштед кӧ тӧ бона хвә қәнщ дьбини, нәбә мә'ни кӧ хьраби бе готьне. ¹⁷ Чьмки П'адшатийа^ф Хвәде хварьн у вәхварьнеда нинә, ле һәқи, ә'дьялайи у шабунеда йә, кӧ дайина Р'ӧһ'е Пироз ьн.

* ^{14:10} Корьнт'и II, 5:10.

* ^{14:11} Ишайа 49:18; 45:23.

¹⁸К'е бь ван холамтийе Мәсир'а дькә, әв ль Хвәде хвәш те у дьбә ширьне мәрыва.

¹⁹Ава әм һындава һәвда сәр нета ә'дълайийе у бавәри авакьрьне бьн. ²⁰Р'уйе хварьнеда шьхөле Хвәде хьраб нәкьн. Һәр тышт һ'әлал ә, т'әне бона ви мәрвыи нә р'аст ә, йе кә бь хварьна хвә дьбә байисе к'ә-тъна хәлqe. ²¹Қәнщ ә нә гошт бьхви, нә шәраве вәхви у нә жи тыштәки өса бьки, кә бьре тә бьк'әвә. ²²Тө чава бавәр дьки, бьра нава тә у Хвәдеда бьминә. Хвәзи ль ви, йе кә бь ван тыштед кә фә'м дькә кә р'аст ьн, хвә гөнәк'ар накә. ²³Ле һәгәр йәк дьхвә дөдълийе дькә, диwane сәр хвәда тинә, чьмки бь бавәрийе нахвә. У һәр тыште кә нә бь бавәрийе йә, гөнә йә.

**Тө ль хәлqe хвәш вәрә,
нә кә ль хвә**

15 ¹Әм кә бавәрийеда қә-ват ьн, гәрәке бьк'әвьнә бьн баре сьста, нә кә әм ль хвә хвәш бен. ²Бьра жь мә һәр кәс алийе қәнщийеда ль һәвале хвә хвәш бе, кә бавәрийеда

бьшьдә. ³Чьмки Мәсир'а жи нә кә ль Хвә хвәш һат, ле чава ньвисар ә: «Әв қаред кә ль Тә дькьн, ль Мьн дькьн»*. ⁴Ле чь кә пешда к'ьтебада һатә ньвисаре, бона һинбуна мә һатә ньвисаре, вәки әм бь сәбьре у ван готьнед ньвисарада кә бине дьдьнә бәр мә, хвәйигөман бьн. ⁵Дә бьра Хвәдейе сәбьре у бина ль бәр һәр кәси бьдә вә, кә һун һындава һәвда сәр нетәке бьн, вәкә нәхш-т'әрзе Мәсир'а Иса, ⁶кә һун һ'әму бь дьл у зарәки шькьрийе бьдьнә Хвәдейе Баве Хөдане мә Иса Мәсир'а.

Мьзгини бона нәщьһуя

⁷Бона ве йәке бона шькьрийа Хвәде һәвдө қәбул кьн, чава Мәсир'а әм қәбул кьрьн. ⁸Чьмки әз вәр'а дьбежьм, кә Мәсир'а бу хьзмәтк'аре щьһу-йа, бона амьнийа Хвәде ә'йан кә, вәки әв созе кал-бавар'а һатийә дайине, мак кә ⁹у нәщьһу бона р'ә'ма Ви шькьрийе бьдьнә Хвәде. Чава ньвисар ә:

«Бона ве йәке Әзе нав нәщь-һуяда пәсьне Тә бьдьм

* ^{15:3} Зәбур 69:9.

у эшқи наве Тэ бьстьрем»*.

¹⁰ У диса дьбежэ:

«Гэли нэшьһуя, ша бьн
т'эви мьлэте Ви!»*

¹¹ У диса дьбежэ:

«Шькьрийе бьдьнэ Хөдан
гэли нэшьһуя
у пэсьне Ви бьдьн, һ'эму
щьмэ'тно»*.

¹² Ишайа жи дьбежэ:

«Тамарэкэ Йеша^ф ве дэре,
бьбэ мире нэшьһуя
у нэшьһу ве гөмана хвэ
бьдьнэ сэр Ви»*.

¹³ Бьра Хвэдеие гөмане дьле
вэ бь шабуне у э'дьялайийева
бьк'ьмк'ьминэ, бона ве бавэ-
рийа вэ, вэки гөмана вэ бь
қəwата Р'өһ'е Пироз зедэ бэ.

**Хьзмэтк'арийа Павлосэ
бона нэшьһуя**

¹⁴ Эз хвэха вэда гөман ьм
хушк-бьрайед мьн, кө һун
қөнщийада манэ у занэбунева
жи дагьрти нэ, дькарьн һэвдө
ширэт кьн. ¹⁵ Ле аликива мьн
төрөш кьр вэр'а ньвиси, кө
ван тышта бькьмэ бира вэ,

бона ве к'эрэма кө жь Хвэ-
деда мьнр'а һатийэ дайине,
¹⁶ вэки эз нава нэшьһуяда
бьбьмэ бэрдэстийе Мэсһ
Иса. Эз нава Мьзгинидайи-
на Хвэдеда мина к'аһинэки^ф
хьзмэтк'арийе дькьм, кө һ'э-
дибуна^ф нэшьһуя қəбул бэ, бь
Р'өһ'е Пироз бөһөрти-жьбарэ
бэ. ¹⁷ Ава эз дькарьм бь сайа
Мэсһ Иса пе хьзмэтк'арийа
хвэийэ бона Хвэде бьфьр'ьм.
¹⁸ Эз төрөш накьм бона тыш-
тэки өса хэбэр дьм, пештьри
ван тыштед кө Мэсһ бь дэсте
мьн кьрьнэ, бона гөһдарийа
нэшьһуя, һэгэр бь хэбэра бэ
йан кьра бэ, ¹⁹ бь қəwата ни-
шана у к'эрэмэта, бь қəwата
Р'өһ'е Хвэде. У бь ви авайи
эз жь Оршэлиме^ф гьрти һ'эта
Илиркуме гэр'ийам, Мьзгини-
йа Мэсһва т'ьжи кьр. ²⁰ Мьн
дьщэ'данд кө ван дэра Мьзги-
нийе даннасин кьм, к'идэред
бона наве Мэсһ нэһатьбу
бьһистьне, вэки нэбэ кө эз
сэр һ'име һьнэкед дьн чекьм.
²¹ Ле бэле чава ньвисар э:

* ^{15:9} Зэбур 18:49.

* ^{15:10} Қануна Дөшари 32:43.

* ^{15:11} Зэбур 117:1.

* ^{15:12} Ишайа 11:10.

«К'ижанар'а бона Ви нәһа-
тийә готъне, we бьбиньн
у к'ижана бона Ви нә бь-
хистийә, we бьзаньбьн»*.

**Т'ьвдира Павлосә
бона р'омайи**

²² Ләма гәләк шара р'е нәдъ-
к'әтә мьн сәр вәда бьһатама.
²³ Ле ньһа иди ван алийа шийе
өса т'өнә п'егәһ ле нәк'әтбә у
әв чәнд салә әз дькьм бемә шәм
wә, ²⁴ гава һәр'ьмә Спанйайе.
Ава гөмана мьн һәйә, кә әзе
сәр р'ийа хwә сәрики ль wә хьм
у жь wьр һун мьн вәр'екьн әз
һәр'ьмә Спанйайе, гава бина
мьн һьнәки пе wә дәрә. ²⁵ Ле
ньһа әз дьчьмә Оршәлиме, кә
бь к'омәкдайине хьзмәтк'арийа
щьмә'та Хwәде бькьм. ²⁶ Чьмки
хушк-бьрайед Мәкәдонйайе
у Ахайайе бь һәвр'а қайл бун,
кә алик'арике бьдьнә щьмә'-
та Хwәдейә бәләнгаз, йед кә
Оршәлимеда дьминьн. ²⁷ Әw
қайл бун у дәйндаре ван ьн
жи. Чьмки нәщьһуйа алийе
р'өһ'анида к'омәк жь щьһуйа
стандьн, гәрәке әw жи алийе

һәбука^ф дьнеда к'омәке бьдьнә
wan. ²⁸ Ава пәй ве кьрьнер'а,
гава к'омәка т'опкьри бьгьһи-
ньмә ши, әзе бем шәм wә, жь
wьр дәрбази Спанйайе бьм.
²⁹ Әз заньм гава бемә шәм wә,
әзе бь дәwләмәндтийа дөа-дь-
розгед Мәсiһ* бем.

³⁰ Әз һиви жь wә дькьм
хушк-бьрано, бь сайа Хөдәне
мә Иса Мәсiһ у we һ'ьзкьрьна
жь Р'өһ', wәки һун бь дөайед
хwәйә ль бәр Хwәде т'әви шәр'-
к'арийа мьн бьн. ³¹ Дөа бькьн,
wәки әз жь дәсте wan хьлаз бьм,
йед кә Щьһустанеда^ф нәбаwәр
ьн у wәки хьзмәтк'арийа мьнә
бона к'омәкдайине Оршәлиме-
да ль щьмә'та Хwәде хwәш бе.
³² У бь ви аwайи әзе бь ә'мьре
Хwәде, бь дьләки ша бемә шәм
wә у һьнәки т'әви wә һеса бьм.
³³ Дә бьра Хwәдейе ә'дьялийе
т'әви wә һ'әмуя бә. Амин.

Сьлавед Павлосә ахьрийе

16 ¹ Әз т'әмийа хушка Фой-
бе дьдьмә wә, йа кә бәр-
дәстийа щьвина Кәнхерйайе
дькә. ² Һун we бь наве Хөдан

* 15:21 Ишайа 52:15.

* 15:29 Нав һьнәк дәстньвисарада аһа йә: «Бь дәwләмәндтийа дөа-дь-розгед Мьзгинийа Мәсiһ».

қәбул кьн, чава ль шьмә'та Хвәде дьк'әвә у гава дьбә һ'әв-ще тыштәки, дәсте хвә дьрежи we кьн, чьмки әве жи хвәйти гәләка кьрийә у өса жи мьн.

³Сьлаве бьднә Прьскилае у Акила*, һәвал-хәбате мьнә шьхөле Мәсиһ Исада. ⁴Вана бона мьн дәст жь ә'мьре хвә к'ьшанд, нә кө т'әне әз жь ван р'әзи мә, ле т'әмамия шьвинед жь нәщһуя жи. ⁵У ль шьвина мала ванда жи сьлав кьн.

Апенәтоје дәлале мьн жи сьлав кьн, кө Асайеда ба-вәрмәнде Мәсиһи^ф пешьн ә. ⁶Сьлаве бьднә Мәрийәме, кө бона вә гәләк худан р'етийә. ⁷Сьлаве бьднә Әндронико у Йунйәсе пьсам у һәвалед мьнә кәледа. Әв нава шандийада ә'йан ьн у бәри мьн бавәрийа хвә Мәсиһ анинә.

⁸Сьлаве бьднә Әмплийато, дәлале мьни жь Хөдан. ⁹Сьлаве бьднә Урбано һәвал-хәбате мөйи шьхөле Мәсиһда у Ста-хойе дәлале мьн. ¹⁰Сьлаве бьднә Апелис, кө бона Мәсиһ йәки к'әти-р'абуйи йә. Сьла-ве бьднә мала Аристополо.

¹¹Сьлаве бьднә Һеродийоне пьсаме мьн. Сьлаве бьднә ван, йед кө жь мала Нәркисо нә, нав бавәрийа Хөданда нә.

¹²Сьлаве бьднә Тьрифенаје у Тьрифосаје, к'ижан бона наве Хөдан дьхәбьтн. Сьла-ве бьднә Пәрсисеја дәлал, кө гәләки худан р'етийә бона Хөдан. ¹³Сьлаве бьднә Р'уфо-йе бьжартийе* Хөдан у дийа ви у өса жи чава дийа мьн.

¹⁴Сьлаве бьднә Асинкрито, Флегон, Һәрмес, Патробас, Һәрмас у хушк-бьрайед майи-нә т'әви ван. ¹⁵Сьлаве бьднә Филолого у Йулийа, Неройис у хушка ви, өса жи Олимпас у т'әмамия шьмә'та Хвәдейә т'әви ван.

¹⁶Сьлаве бьднә һәв бь р'а-мусана шире һ'әлал. Һ'әму шьвинед Мәсиһ ль вә сьлав дькьн.

Т'әмийед ахьрийе

¹⁷Ньһа әз һиви жь вә дькьм хушк-бьрано, кө һун һ'әвза хвә жь ван бькьн, йед кө жь we һинбуне дәр, йа кө һун һин бунә, щөдәбуне пешда тиньн у

* ^{16:3} К'аред Шандийа 18.

* ^{16:13} Аһа жи те фә'мкьрьне: «Р'уфойе нав шьхөле Хөданда ә'йан».

хэлцэ п'ышк дькын. Жь ван дур бьн. ¹⁸Чьмки йед өсә хөлаптие ль Хөдане мә, Мәсһ накьн, ле зьке хвә дьч'ериньн. Бь заре хвәш у һ'ьлэк'арийе, йед сахьке дьле хвә дьхапиньн. ¹⁹Гөһдари́йа вә нав һ'әмуйада бь нав у дәнг э у эз бона вә ша мә, ле дьхвазьм кө һун сәрвахт бьн һьндава қәнцийеда у дьлсах бьн һьндава хьрабийеда. ²⁰У Хвәде́йе э'дьялайие зутьрэке ве сәре мирещьн^ф бьне ньгед вәда бьп'әлехә.

К'әрәма Хөдане мә Иса Мәсһ т'әви вә бә.

²¹Тимот'ейо́йе һәвал-хәбате мьн ль вә сылав дькә, өсә жи Лукйо, Йасон у Соспатро́йе пьсмамед мьн.

²²Эз Тәртийо́ жи бь наве Хөдан ль вә сылав дькьм, йе кө эв нә'мә ньвиси.

²³Гайос ль вә сылав дькә, қонахе мьн у йе т'әмамия шьвине. Ерастойе сәр хьзна бажер ль вә сылав дькә у өсә жи бьрайе Кьварто. ²⁴К'әрәма Хөдане мә Иса Мәсһ т'әви вә һ'әмуйа бә. Амин*.

Дөа у шькьрда́йин

²⁵Ньһа шькьр жь Вир'а, Йе кө дькарә вә бавәрийеда бьшьдинә, вәкә ве Мьзгинийа кө эз бона Иса Мәсһ данна-син дькьм, вәкә ашкәрәбуна ве сөр'а кө һе дәврәд бәрейә бьһөрида вәшарти мабу, ²⁶ле ньһа бь ньвисаред п'ехәмбәра э'йан бу у бь ә'мьре Хвәде́йе һ'әта-һ'әтайе һатә наскьрьне, вәки һ'әму мьләт бавәр бькьн у гөһдар бьн. ²⁷Шькьр жь Хвәде́йе т'әнейи сәрвахтр'а, бь сайа Иса Мәсһ, һ'әта-һ'әтайе. Амин*.

* 16:24 Нав дәстньвисаред һәрә қәншда р'еза 24-а т'өнә.

* 16:27 Нав һьнәк дәстньвисарада р'еза 25 һ'әта 27-а т'өнәнә.